

SELECTIONS FROM THE  
BOOK OF PSALMS

(Punjabi,)

# کتاب پور شریف چوں بعض مرنو

(پنجابی بولی وچ)

## کرسچن ناچے ساءط

انارکلی - لاہور

۱۹۰۱ء

اے مزامیر لارڈ بشپ صاحب لاہور دی  
منظوری نال پنڈاں دی جماعتاں دی بندگی  
لئی چن کے ترتیب دتے گئے ہین۔



# کتاب زبور شریف چوں بعض منو

پنجابی بولی وچ

دیسباچہ

اے کتاب ایچھے مسیحاں تے مسیحی جماعتاں دے لئی  
لکھی گئی ہے۔ - بھڑے اُردو یا گورکھی نہیں جاندے۔ -  
ایس وچ زبور دی پاک کتاب وچوں ۱/۵ دے لگ بھگ  
زبور چنے گئے ہین۔ تے ایچھے زبور تے زبوراں دے حقے  
چنے گئے ہین۔ - بھڑے آسانی نال لوکاں نوں سمجھ آسکدے تے  
گر بے دی بندگی یا گھر دی دُعا عبادت لئی بہت کم آسکدے ہین  
اُہناں دی ترتیب اس طرح رکھی گئی ہے جو اک جہینے وچ ساری  
کتاب پڑھی جاسکے۔ (فہرست ۱ نوں دیکھو) \*  
خاص خاص زبور بھڑے شادی غمی دے خاص خاص موقعاں  
لئی خواہ گر بے وچ خواہ گھر وچ خواہ قبرستان وچ مناسب ہین  
اُہناں دے نمبر فہرست مضامین نمبر ۲ وچ دتے گئے ہین۔

# فہرست مزامیر - ۱

روز	مزموں	صفحہ	روز	مزموں	صفحہ
۱	۱ ۲ ۳ ۴	۱ ۲ ۳ ۴	۹	۳۷ ۳۸ ۳۹	۲۹
۲	۸ ۱۳ ۱۵ ۱۶*	۵ ۶ ۷ ۸	۱۰	۳۱ ۳۹	۳۳ ۳۵
۳	۱۹ ۲۱	۸ ۱۰	۱۱	۴۰ ۴۱	۳۷ ۳۹
۴	۲۲* ۲۳	۱۲ ۱۴	۱۲	۴۲* ۵۰	۴۱ ۴۱
۵	۲۴ ۲۵	۱۵ ۱۶	۱۳	۵۱ ۶۳* ۶۵*	۴۴ ۴۶ ۴۷
۶	۲۷ ۲۸* ۳۰	۱۹ ۲۰ ۲۱	۱۴	۶۶ ۶۷ ۶۸*	۴۸ ۵۱ ۵۱
۷	۳۲ ۳۳	۲۲ ۲۴	۱۵	۶۹* ۸۴ ۸۵	۵۲ ۵۴ ۵۵
۸	۳۴ ۱۰۸*	۲۶ ۲۹	۱۶	۸۹* ۹۰	۵۷ ۵۹

نہایت مختصر و مفید ہے۔ بعض اوقات لکھا ہوا ہے کہ بعض روز گئیاں ہیں

روز	مزموں	صفحہ	روز	مزموں	صفحہ
۱۷	۹۱ ۹۲	۶۱ ۶۳	۲۵	۱۱۱	۹۳
۱۸	۹۵ ۹۶ ۹۷	۶۴ ۶۶ ۶۷	۲۶	* ۱۱۹ ۱۲۱	۹۶ ۹۹
۱۹	۱۰۰ ۱۰۳	۶۹ ۶۹	۲۷	۱۲۴ ۱۲۶ ۱۲۷ ۱۲۸ ۱۳۰	۱۰۰ ۱۰۱ ۱۰۱ ۱۰۲ ۱۰۳
۲۰	۱۰۴	۷۲	۲۸	* ۱۳۲ ۱۳۶ ۱۳۸	۱۰۴ ۱۰۶ ۱۰۷
۲۱	۱۰۵	۷۶	۲۹	۱۳۹ ۱۴۲	۱۰۸ ۱۱۰
۲۲	۱۰۷	۸۱	۳۰	* ۱۴۳ * ۱۴۴ ۱۴۵	۱۱۱ ۱۱۳ ۱۱۴
۲۳	۱۱۰ ۱۱۱ ۱۱۲ ۱۱۳	۸۶ ۸۷ ۸۸ ۸۹	۳۱	۱۴۷ ۱۵۰	۱۱۶ ۱۱۸
۲۴	* ۱۱۵ ۱۱۶	۹۰ ۹۱	* اس مزموں نوں ناتمام سمجھو۔ اُبدیاں بعضیاں آتیاں لکھیاں گیاں تے بعض رہ گیاں ہین +		



صفحہ	نمبر	خاص موقعہ	صفحہ	نمبر	خاص موقعہ
۱۹	۲۴	استحکام	۵۲	۸۴	عبادت
۹۷	۱۱۹		۹۳	۱۱۸	
۹۸	۱۱۹		۹۴	۹۵	
۱۴	۲۳	عشائے ربانی	۶۶	۹۶	مسح کی آمد
۹۱	۱۱۶		۶۷	۹۷	
۱۰۱	۱۲۷	پاک نکاح	۵۵	۸۵	مسح کا جہم لینا
۱۰۲	۱۲۸		۱۰۴	۱۳۲	
۲۲	۳۲	بیمار پرسی	۲۲	۳۲	فوروز (ختنہ)
۴۴	۵۱		۲۵	۳۹	
			۴۴	۵۱	
			۱۰۳	۱۳۰	
۹۱	۱۱۶	عورتوں کا شکرانہ	۵۱	۶۷	ظہور مسیح
۳۵	۳۹	پاک دفن	۴۴	۵۱	روزے
۵۹	۹۰		۳۳	۳۸	
			۱۰۳	۱۳۰	
۶۱	۹۱	مصیبت			
۲۲	۳۲	توبہ اور عاجزی	۱۴	۲۳	جمعرات شریف
۱۱۰	۱۴۲		۱۲	۲۲	جمعہ شریف
۱۱۱	۱۴۳		۳۷	۴۰	
			۶۹	۶۹	
۶۹	۱۰۰	شکر گزاری عام	۸	۱۶	مسح کا جی اٹھنا
۸۹	۱۱۳		۸۷	۱۱۱	
۱۰۱	۱۲۶		۹۳	۱۱۸	
۱۱۶	۱۴۷				
۱۱۸	۱۵۰		۱۰	۲۱	مسح کا آسمان چڑھنا
			۱۵	۲۴	
۹۳	۱۱۸	وفا و بیماری کے بعد	۵۱	۶۸	
۴۷	۶۵	فضل کا شکرانہ	۷۲	۱۰۴	روح القدس کا اتر آنا
۸۴	۱۰۷		۸۶	۱۱۰	
۱۰۶	۱۳۶		۱	۱	پاک بپتسمہ
			۱۱۳	۱۴۴	



## فرمور (۱) روز-۱

۱- دھن ہے اُہ آدمی جھڑا شریاں دے آکھے اُتے نہیں چلدا۔  
نہ گناہیاں دے راہ وچ کھلونا ہے۔ تے نہ مخولیاں دی  
منڈلی وچ بیٹھا ہے۔

۲- پر خداوند دی شرع وچ آند رہندا تے دے رات  
اُسی شرع اُتے سوچ بچار کردا ہے۔

۳- اُہ تے پانی دی نہراں دے کنڈھے اُتے لگے ہوئے  
بوٹے وانگوں ہوویگا جھڑا اپنی رُت سر پھیل دیندا ہے۔ اُہ دے پتر  
بھی کھلاؤندے نہیں تے اُہ اپنے سمجھ کماں وچ اقبال والا  
ہندا ہے۔

۴- شریاں دا حال ہووے طرح دا ہے۔ اُہ تاں بھوہ وانگوں  
ہین جہنوں ہوا اڈا لے جاندی ہے۔

۵- اس واسطے شرع عدالت وچ کھڑے نہ رہنگے تے نہ گناہیں  
دھرمیاں دی جماعت وچ۔

۶- کیوں جو خداوند دھرمیاں دارا پہچاندا ہے پر شریراں  
دارا اُجڑا پُچڑ جائیگا \*

روز ۱

## مزمور (۲)

۱- قوماں کس واسطے جوش کردیاں ہیں تے لوک واہیات

سوچاں سوچدے ہیں؟

۲- خداوند تے اُہدے مسیح دے برخلاف دُنیا دے بادشاہ

سامنا کر دے ہیں تے سردار آپو وِج صلاح پکاؤندے ہیں -

۳- پئی آؤ اسیں اُہناں دے بندھن توڑ دیئے تے اُہناں

دیاں رسیاں اپنے دلوں پراں سٹ دیئے \*

۴- جھڑا آسمان اُتے بیٹھا ہے اُہ ہسیگا۔ رت اُہناں نو

ٹھٹھے نال اُڑاویگا۔

۵- تہ اُہ اُہناں نوں غصے وِج بولیگا تے اپنے غضب

نال اُہناں نوں اُکھیاں کریگا۔

۶- پریں تاں اپنے مقدس پہاڑ صیّون اُتے اپنے بادشاہ

نوں بہالیا ہے \*

۷- میں حکم سناوانگا۔ خداوند نے مینوں فرمایا پئی توں میرا

بیٹا ہیں اُج توں میٹھوں پیدا ہويا۔

۸- میٹھوں منگ تے تینوں قوموں دا وارث کرانگا تے زمین



دیاں چارے کوٹاں تیرے قبضے وچ کر دیاں گے۔

۹۔ تُوں لوہے دی عصا نال اُہناں نوں توڑیگا۔ گھمیاں  
دے بھانڈے وانگوں تُوں اُہناں نوں چکنا چور کریگا +

۱۰۔ سوہے بادشاہو ہُن سیانے بنو۔ ہے دُنیا دے مُنصفو

آپ ہی مت لو۔

۱۱۔ ڈردے ڈردے خداوند دی بندگی کرو تے کبکے کبکے

خوشیاں مناؤ۔

۱۲۔ بیٹے نوں چمّو رکتے اچھا نہ ہووے جو اُہ غصّے ہو جائے۔

تے گراہ ہو کے تہاڈا ناس ہو جائے۔ کیونکہ اُہدا قہر چھیتی نال بھڑکیگا  
دھن ہُن اُہ سارے بندے جہڑے اُہدی پناہ لیندے ہُن +

## مرمور (۳)

روز-۱

۱۔ خداوند ا میرے دُکھ دیوے کیڈے ودھ گئے۔ بہتیرے

میرے برخلاف اٹھدے ہُن۔

۲۔ بہتیرے میری جان دی بابت ایوں اکھدے ہُن پئی

خدا دتوں اہدا بچاؤ نہیں ہے +

۳۔ پر خداوند ا تُوں میرے دوالے ڈھال ہُن تُوں میرا

جلال تے میرے سر دے اٹھاؤن والا ہُن +

۴۔ اپنی آواز نال میں خداوند نوں پکاردا ہاں۔ تے اُہ اپنے

مقدس پہاڑ تھوں مینوں جواب دیندا ہے \*  
 ۵۔ میں لنما پیاتے سوں گیا۔ میں جاگ پیا کیوں جو خداوند  
 مینوں سمبھالدا ہے۔

۶۔ دس ہزار آدمیاں کولوں جہناں میرے دوالے گھیرا پیا  
 لیا ہے میں نہ ڈرانگا \*  
 ۷۔ خداوند اٹھ۔ میرے خدایا مینوں بچالے کیوں جو توں  
 میرے سارے ویریاں نوں گل اُتے چھیڑ ماری ہے توں نے  
 شریاں دے دند توڑے ہین۔

۸۔ بچاؤ خداوند دا ہے۔ تیری برکت تیری اُمت نال ہووے \*

## مزمو ر (۴) روز-۱

۱۔ جدوں میں تیری دُہائی دیاں توں میری سُن لے ہے  
 میری صداقت دے خدا۔ جدوں میں تنگ ساں توں مینوں چھڑایا۔  
 میرے اُتے دیا کر کے میری دُعا سُن لے \*  
 ۲۔ ہے منکھاں دے جانیو تئیں کناں چر میرے پت دی  
 بے پتی کرو گے؟ تے واہیات گلاں نوں دوست رکھو گے تے جھوٹ  
 دے نگر لگو گے؟

۳۔ جان رکھو پئی خداوند نے دھرمی نوں اپنے لئی دکھ کر  
 رکھیا ہے۔ جدوں میں اُسی دُہائی دیاں خداوند میری سُنیکا \*



۴- کبوتے گناہ نہ کرو اپنیاں بچھونیاں اُتے پئے ہوئے  
چپ کیتیاں اپنے من نال گلاں کرو۔

۵- صداقت دیاں قربانیاں چاڑھوتے خداوند اُتے بھروسا رکھو

۶- بھیرے راہ اکھدے ہین پئی سانوں کون کجھ بھلیائی  
دکھالیکا؟ ہے خداوند توں اپنے پھرے دا نور ساڈے اُتے چمکا۔

۷- توں میرے من نوں خوشی دتی ہے اُہناں لوکاں دی  
خوشی نالوں بھی زیادہ جہناں دے دانے تے مئے ودھ جانڈے ہین

۸- میں سکھ دے نال لیٹ جاوانگا تے سورہانگا کیوں جو

صرف توں ہی خداوند مینوں سلامتی نال رکھدا ہیں \*

روز-۲

مرمور (۸)

۱- ہے خداوند ساڈے رب ساری زمین دے وچ تیرا  
نام کیڈا اُتم ہے۔ توں اپنی شان نوں اسماناں تھوں اُچھیاں کیتا

۲- توں نے اپنے ویریاں دے سبب اپنیاں تے ودھ  
چنگن والیاں دی زبانی اپنی قوت نوں قائم کیتا۔ تاں جو ویری  
تے بدلہ لین والے نوں چپ کرا دیں \*

۳- جس ویلے میں دھیان کردا ہاں تیرے اسماناں اُتے  
جھڑے تیرے ہتھوں دی کاریگری ہین۔ نالے چند تے تاریاں اُتے  
جھڑے توں مقرر کیتے۔

- ۴۔ تاں مُنکھ کیہ چیز ہے جو توں اُہدا چیتا رکھیں تے مُنکھ  
دا جائیا کیہ جو توں اُہدی خیر لوں ؟
- ۵۔ توں تے اُہنوں الاہاں نالوں تھوڑا جھیا کم کیتا تے  
توں عزت تے رُعب دا تاج اُہدے سر اُتے رکھیا ہے \*
- ۶۔ توں نے اپنے ہتھوں دے کماں اُتے اُہنوں حکومت  
بخشتی تے سب کُجھ اُہدے پیراں ہپیہ رکھیا ہے ۔
- ۷۔ ساریاں بھٹیڈ بکریاں تے گائی بلیاں نوں۔ ہاں تے  
جنگل دے سارے جانوراں نوں بھی ۔
- ۸۔ اکس دے جنادر تے سمندر دیاں مچھیاں نوں تے  
سب کُجھ جھڑا سمندر دے وچوں دی تڑدا پھر دا ہے \*
- ۹۔ ہے خداوند ساڈے رب ساری زمین دے وچ تیرا نام  
کیڈا اُتم ہے \*

## مزمور (۱۳)

روز-۲

- ۱۔ ہے خداوند توں کدوں توڑی مینوں بھلا چھڈینگا۔ کی  
سدا توڑی؟ توں کدوں تیکر میتھوں مُنھ لگا دیںگا؟
- ۲۔ میں کدوں تیکر سارا دن من وچ دُکھی ہو کے اپنے جی  
نال صلح کروا رہاں؟ میرا دشمن کدوں تیکر میرے سر اُتے چڑھا دیںگا؟
- ۳۔ ہے خداوند میرے خدا دھیان کر کے میری سُن۔ میری



- اکھیاں نوں روشن کر۔ کتے موت دی نیند مینوں نہ پئے جائے۔
- ۴۔ تے میرا دشمن راہ نہ آکھے پی میں اُنہوں جت لیا ہے  
تے نہ جد میرے پیر نکلن میرے ویری خوش ہون \*
- ۵۔ میں تے تیری دیا اُتے بھروسا رکھیا ہے میرا من خوش  
ہو ویگا کہ توں مینوں بچایا ہے۔
- ۶۔ میں خداوند دا گیت گادانگا کیوں جو اُس نے میرا بہت  
بھلا کیتا ہے \*

## مرمور (۱۵) روز-۲

- ۱۔ ہے خداوند تیرے ڈیرے وچ کون ٹھیکے گا۔ تیرے مقدس  
پہاڑ اُتے کون وسیگا ؟
- ۲۔ اُہو جھڑا سدھے راہ چلدا تے نیکی کردا تے منوں سچ بولدے \*
- ۳۔ اُہو جھڑا زبان نال جُچلی نہیں کھاندا نہ اپنے ساتھی  
دا نقصان کردا تے نہ اپنے گواہنڈی اُتے عیب لاؤندا ہے۔
- ۴۔ اُہو جھڑی نظر وچ بُرے آدمی دی قدر نہیں ہے۔ پر  
اُہ خداوند دا خون رکھن والیاں دا آدر کردا ہے۔ اُہ سو نہ کھا کے  
بھوندا نہیں بھانویں اُہ دا نقصان ہی ہووے۔
- ۵۔ اُہ روپیہ بیاج اُتے نہیں دیندا تے نہ بے گناہ دے  
برخلاف وڈھی لیندا ہے \* جو ایوں کردا ہے سو کدی بھی نہیں تھڑکیگا \*

## مرمور (۱۶) \*

روز-۲

۵- میری ورثہ داتے میرے کھوٹے دا حصّہ خداوند ہے  
تے میرے حصّے دا رکھوالی توں ہی ہیں۔

۶- مَن بھاؤندے تھاں اُتے میرا داغ بیل لگ گیا ہے  
ہاں مینوں عمدہ ورثہ ملی۔

۷- میں خداوند نوں مبارک آکھاں گا پئی اُہن مینوں  
مت دتی ہے۔ ہاں رات دے ویلے میرا اندر لا مینوں سکھلاؤندے

۸- میں نے خداوند توں سدا اپنے اگے رکھیا ہے۔ اُہ  
تاں میرے سچے پاسے ہے سو میں کدے نہیں ٹلناں گا۔

۹- اس کر کے میرا من راضی ہو یا تے میری عتّ خوشی  
مناوندی ہے۔ میرا جسم بھی سکھ وچ ٹپکیا رہیگا۔

۱۰- پئی توں میری جان نوں رُوحاں دے جہان وچ نہ  
چھڈینگا تے نہ اپنے قدوس نوں سڑاہٹ نوں دیکھن دینگا۔

۱۱- توں مینوں زندگی داراہ دسینگا تیری حضوری وچ خوشی  
ڈُل ڈُل پیندی ہے۔ تیرے سچے ہتھ وچ آند تاں ہمیشہ ہمیشہ ہے۔

## مرمور (۱۹)

روز-۳

۱- اسمان خدا دی دُئیائی بیان کر دے ہن تے پولار اُبدی



کارگیری دکھالدا ہے۔

۲۔ ون ون نال گل بات کروا ہے تے رات رات نوں

گیان دیندی ہے۔

۳۔ اُہناں دی کوئی بولی یا زبان نہیں ہندی۔ اُہناں دی

آواز سُنائی نہیں دیندی۔

۴۔ ساری زمین وچ اُہناں دی تار وجدی تے دُنیا

دیاں حداں تیکر اُہناں دیاں گلاں اڑ دیاں ہن۔ اُہناں وچ

اُس نے سورج لئی تنبو کھڑا کیتا ہے۔

۵۔ جہڑا لاڑے وانگوں اپنی کوٹھڑیوں نکلا ہے تے

پہلوان ورگا اکھاڑے وچ خوشی نال دوڑا ہے۔

۶۔ اُہ اسماناں دی پرلی گُٹاں بھوں نکلا ہے۔ اُہدا

چکر اُہناں دے دُبتے سرے تیکر ہے۔ تے اُہدی گرمی تھوں

کوئی چیز نہیں لکدی +

۷۔ خداوند دی توریت کامل ہے اُہ دل نوں کھڑا کر دی

ہے۔ خداوند دا اکھیا سچا ہے مورتکھاں نوں بدہ وان کرن والا

۸۔ خداوند دے فرمان حق ہن تے اُہ مَن نوں خوش

کر دے ہن۔ خداوند دا حکم صاف ہے اکھیاں نوں چانن دین والا

۹۔ خداوند دا خوف پاک ہے تے اُہ سدا تیکر رہندا ہے

خداوند دے فیصلے حق تے برے سچے ہن۔

۱۰۔ اُہ سونے نالوں سگوں ڈھیر سارے کُندن نالوں بھی  
 پیارے ہیں۔ شہد تے اُہدی چھلی دے بُنکیاں نالوں وودہ مٹھے ہیں  
 ۱۱۔ نالے تیرا بندہ اُہناں تھوں چتایا جاندا ہے تے اُہناں دے  
 مٹن وچ بڑا بدلہ ہے۔

۱۲۔ اپنے بھلیکھیاں نوں کون جاندا ہے؟ توں مینوں  
 گئے گناہ تھوں بری کر۔

۱۳۔ تے اپنے بندے نوں روکی رکھ پئی لا پرواہی نال  
 گناہ کر کے میں اُہدے دس وچ نہ آواں۔ تدیس بے دوش ہوانگا  
 تے وڈے گناہ تھوں بری ہو جاوانگا +

۱۴۔ میرے مُنہ دیاں گلاں تے میرے من دی سپوح تیری  
 نظروچ منظور ہوں۔ ہے خداوند میری چٹان تے میری نجات دیوالے

روز ۳

## مزمور (۲۱)

۱۔ ہے خداوند تیری قوت دے سببوں بادشاہ خوشی کریگا  
 تے تیری نجات دے کارن اُہ کیڈا راضی ہو دیگا۔

۲۔ توں نے اُہدے دل دی مُراد پوری کیتی۔ تے اُسے جو  
 کچھ مُنہوں منگیا توں اُہنوں نہ موٹیا۔

۳۔ بھلیائی دیاں برکتاں نال توں اُہنوں اگوں والی بلدا  
 ہیں توں کُندن دا تاج اُہدے سر اُتے رکھدا ہیں۔

۴۔ اُس نے تیتھوں زندگی منگی تے توں اُس نوں بجٹی۔ ہاں  
سدا تیکر اُہدی عمر ودھائی۔

۵۔ تیری نجات نال اُہدی شان ودھدی ہے عت تے دبہ  
توں اُہدے سر اُتے رکھدا ہیں۔

۶۔ کیونکہ توں اُہنوں سدا دیاں برکتاں دا سبب بناؤندا  
ہیں توں اُہنوں اپنے دیدار نال خوش کروا ہیں۔

۷۔ کیونکہ بادشاہ خداوند اُتے بھروسہ رکھدا ہے تے حق تے  
دی مہر نال اُہ کدی نہ ٹلیگا۔

۸۔ تیرا ہتھ تیرے سارے ویریاں نوں ڈھونڈ کے کڈھیکھا  
تیرا سجا ہتھ تیرے دشمنوں نوں پھڑیگا۔

۹۔ توں اپنا چہرا دکھاؤن دے سے اُہناں نوں اگ دی  
بھٹھی وانگوں کرینگا۔ خداوند دا غضب اُہناں نوں نگلیگا تے اگ  
اُہناں نوں کھا جاوے گی۔

۱۰۔ توں اُہناں دا پھل زمین اُتوں تے اُہناں دی نسل  
اُدمیاں دے جایاں وچوں فنا کرینگا۔

۱۱۔ کیوں جو بھانویں اُہناں نے تیرے برخلاف بُریائی سچی  
تے منصوبہ بدیا پر اُہ اُہنوں پورا نہ کر سکنگے۔

۱۲۔ توں اُجیہا کرینگا کہ اُہ پتھ دکھاؤن۔ توں اُہناں دے  
منہ دے نشانے اُتے اپنے چلے چڑھا وینگا۔



۱۳۔ خداوند توں اپنی قوت نال اُچا ہو ایس تیری وڈیائی  
کردے ہوئے تیری قدرت دیاں صفتاں کرانگے +

## مزمور (۲۲) \* روز-۴

۱۔ ہے میرے خدا ہے میرے خدا توں مینوں کیوں چھڈ  
وتا ہے؟ تے مینوں بچاؤن تھوں تے میرے کُرن دی آواز تھوں  
کیوں دُور رہندا ہیں؟

۲۔ ہے میرے خدا میں دن نوں تیری دہائی دیندا ہاں پر  
توں سُندا نہیں۔ تے رات نوں بھی میں چپ نہیں رہندا۔

۳۔ پر توں قدوس ہیں جو اسرائیل دی شرگزادیاں وچ دیندا

۴۔ ساڈے وڈیاں نے تیرے اُتے بھروسہ کیتا ہاں بھروسہ

کیتونے تے توں اُہناں نوں چھڈا۔

۵۔ اُہناں نے تیری دہائی دتی تے خلاصی پائیونے اُہناں

تیرے اُتے بھروسہ رکھیا تے شرمندے نہ ہوئے۔

۶۔ پر میں تاں مرد نہیں ہاں میں کیرا ہاں۔ آدمیاں دے

طعنہ داتھاں تے لوکاں دے بھانے ناچیز۔

۷۔ چتے مینوں دیکھدے ہین اُہ مینوں محول وچ اڈاؤندے

ہین۔ اُہ بُل کدھ کے تے سر مار مار کے اکھدے ہین

۸۔ پی اُس نے اپنے آپ نوں خداوند دے گوجرا چھڈیا



اُہو اُہنوں بچا دے۔ ہاں اُہو اُہنوں چھڑا دے۔ اُہ جو اُہنوں چاہندا ہے  
 ۹۔ پرتوں ہی نے مینوں گرجے تھوں باہر لایا۔ جدیں ہاں  
 دا ماما چوندا ساں توں مینوں آسرا دتی۔

۱۰۔ جھریاں سارہی میں تیرے اُتے سُٹیا گیا۔ ہاں دے گرجے  
 تھوں توں میرا خدا ہیں۔

۱۱۔ مینھوں دُور نہ رہ کیوں جو بیتا آڈھکی ہے تے وائیں  
 بلی کوئی نہیں ہے ۔

۱۲۔ بہت سارے سانڈاں نے مینوں آن گھیریا ہے۔ بٹن  
 دے وٹھریاں نے چو پھیریوں مینوں گھیرا پالیا ہے۔

۱۳۔ اُہ پاڑن والے تے گجّن والے شیر دانگوں میرے اُتے  
 منہ ٹٹ دے ہن۔

۱۴۔ میں پانی دانگوں ڈوہلیا گیا ہاں میرا بند بند اُتر گیا ہے۔  
 میرا من موم ہو گیا ہے تے اُہ میریاں آنڈراں وچ پگھر گیا ہے۔

۱۵۔ میری طاقت سکے ہوئے ٹھیکرے جی ہو گئی تے میری  
 جیبہ تالو نال لگی رہندی ہے تے توں نے موت دی مٹی تیکر  
 مینوں پُچایا ہے۔

۱۶۔ کیونکہ کتیاں نے مینوں آن گھیریا ہے شریاں دا  
 مین میرے آئے دوالے ہو گیا۔ اُہناں میرے ہتھال پیراں  
 نوں چھیک سُٹیا ہے۔

۱۷۔ میں اپنیاں ساریاں ہڈیاں گن سکدا ہاں۔ اُہ میرے

دل تک دے تے تار دے ہین +

۱۸۔ اُہ آپو وچ میرے کپڑے دند لیندے ہین تے میرے

کرتے اُتے گئے پاؤندے ہین۔

۱۹۔ پر توں ہے خداوند دُور نہ رہ۔ ہے میرے سہایتا چھیتی

میری مدد نوں پہنچ۔

۲۰۔ میری جان نوں تلوار تھوں چھڈا۔ ہاں میرے جانی نوں

کشتیاں دے پہنچیاں تھوں۔

۲۱۔ شیر بہر دے مٹھوں مینوں بچا۔ توں تے پھٹے ہوئے

سانڈاں دے سنگاں تھوں میری سنی ہے۔

۲۲۔ میں اپنے بھائیاں نوں تیرا نام سناوانگا جماعت وچ

تیریاں صفتاں گاوانگا +

روز ۴

## مزمور (۲۳)

۱۔ خداوند میرا ایالی ہے مینوں کاہدی ٹھہر؟

۲۔ اُہ مینوں ہریاں جوہاں وچ بہالدا ہے اُہ مینوں

باولیاں دے پانیاں دل لے تڑا ہے۔

۳۔ اُہ میری جان نوں مڑ بحال کردا ہے۔ اپنے نام دی

خاطر اُہ مینوں صداقت دے راہاں وچ لے چلدا ہے۔

۴- ہاں بھانویں میں موت دے پرچھانویں دی کھڈ وچونڈی  
لنگھ جاواں مینوں کوئی ڈر نہیں اویگا۔ توں جو نال ہیں۔ تیری  
لاٹھی تے تیرا ڈھانگا مینوں تسلی دیندے ہین۔

۵- میرے ویریاں دی اکھیاں دے سامنے توں میرے لگے  
دستر خوان وچھاؤندا ہین۔ توں نے میرے سر اُتے تیل جھسیا ہے  
میرا ٹھوٹھا ڈکا ڈک ہو کے پھلکدا ہے۔

۶- سچ مچ بھلیائی تے دیا ساری عمر میرے پچھے پچھے چلنگیاں  
تے میں بڑے چرتاکر خداوند دے گھر وٹانگا +

## مرمور (۲۴) روز-۵

۱- زمین خداوند دی ہے تے اُسدی بھرپوری۔ جہان بھی تے  
اُسدے و سکین اُسی دے ہین۔

۲- کیوں جو اُس نے سمندر وچ اُہدا مڈہ بدھاتے بڑے  
پانیاں وچ اُہنوں قائم کیتا +

۳- خداوند دے پہاڑ اُتے کون چڑھے؟ تے اُہدے پاک  
مکان وچ کون کھلو سکے؟

۴- اُہ ہی جہدے ہتھ صاف تے جہدا دل پاک ہے۔ اُہ  
جہن و اہیات گلاں وچ جی نہ لگایا تے نہ دغے نال سو نہ کھا دی

۵- اُسے نوں خداوند پاسوں برکت تے اپنے بچا دن والے



خدا پاسوں صداقت ملیگی۔

- ۶۔ اہو اہ پڑھی ہے جہڑی اہنوں ڈھونڈ دی ہے۔ اہ ہی تیرے دیدار دی بھکی ہے۔ ہے یعقوب دے خدا \*  
 ۷۔ ہے پھاٹکو اپنے سراں نوں اُتاں کرو۔ ہے ابدی دروازو اُتاں ہو جاؤ تے جلال دا بادشاہ اندر وڑیگا۔  
 ۸۔ جلال دا بادشاہ کہڑا ہے؟ خداوند قُدرت تے زور والا۔ خداوند چہڑا جنگ وچ زور والا ہے۔  
 9۔ ہے پھاٹکو اپنے سراں نوں اُتاں کرو۔ ہے ابدی دروازو اُتاں ہو جاؤ تے جلال دا بادشاہ اندر آویگا \*  
 ۱۰۔ جلال دا بادشاہ کہڑا ہے؟ فوجاں دا خداوند اُہو رہی جلال دا بادشاہ ہے \*۔

## مزمور (۲۵) روز-۵

- ۱۔ ہے خداوند میں اپنا دل تیرے دل اٹھاؤندا ہاں۔  
 ۲۔ ہے میرے خدا میں تیرے اُتے بھروسہ رکھدا ہاں  
 مینوں شرمندہ نہ ہون دے۔ نہ میرے ویری مینوں جت کے خوشی کرن \*  
 ۳۔ ہاں تیرے اُتے اُمید رکھن والیاں وچوں کوئی شرمندہ نہ ہووے۔ شرمندہ اہ ہون جہڑے خواہ مخواہ دھوکھا بازی کردے ہین \*۔

۴۔ ہے خداوند اپنیاں راہاں مینوں دکھال تے اپنے  
رستے مینوں سکھال۔

۵۔ اپنی سچائی وچ مینوں سکھال کیونکہ میرے بچاؤ دا  
خدا توں ہی ہیں یس سارا دن تینوں تکدا رہندا ہاں۔

۶۔ ہے خداوند اپنیاں رحمتاں تے اپنیاں مہربانیاں نوں  
یاد کر کیونکہ اہ ہمیشہ تھوں ہن۔

۷۔ میری جوانی دیاں خطاواں نوں تے میرے گناہاں  
نوں یاد نہ کر۔ اپنی دیا موجب تے اپنی بھلیائی دے واسطے خداؤ  
مینوں یاد کر۔

۸۔ خداوند بھلا تے صادق ہے اس کر کے اہ گناہیاں  
نوں راہ دکھالے گا۔

۹۔ اہ غریب دل والیاں نوں انصاف نال چلاوے گا۔ ہاں  
دل دے غریباں نوں اپنا رستہ سکھالے گا۔

۱۰۔ خداوند دیاں ساریاں راہاں مہربانی تے سچائی مین  
اہناں لوکاں دے اگے بھڑے اُہدے نیم تے اُہدی شرع  
نوں مندے ہن۔

۱۱۔ ہے خداوند اپنے نام دی خاطر میرا تصور بخش دے  
کیونکہ اہ بڑا ہے۔

۱۲۔ اہ کھڑا مُسکھ ہے بھڑا خداوند تھوں ڈروا ہے؟ اہ اپنے

چُتے ہوئے رستہ اُتے اُہنوں سکھایگا۔

۱۳۔ اُسے دا جی سُکھی رہیگا تے اُہی نسل زمین دی وارث ہوگی۔

۱۴۔ خداوند دا بھید اُہدے ڈرن والیاں دے کول ہے۔ تے

اُہ اپنے نیم دی پہچان اُہناں نوں بخشیگا۔

۱۵۔ میریاں اکھیاں ہر ویلے خداوند ول لگیاں رہندیاں ہن

کیونکہ اُہ میرے پیراں نوں پھائی وچوں کڈھ لیگا۔

۱۶۔ میرے ول مُنہ کر کے میرے اُتے دیا کر کیونکہ میں لاوارث

تے دُکھی ہاں۔

۱۷۔ میرے دل دیاں تنگیاں ودھ گئیاں ہن میریاں مُصیبتاں

تھوں مینوں بچا۔

۱۸۔ میرے دُکھ تے میری کشتنی نوں دیکھ تے میرے سارے

گناہ بخش دے۔

۱۹۔ میرے ویریاں نوں دیکھ کہ اُہ بہتے ہن تے انہیں

دے ویرناں اُہ میتھوں نفرت کر دے ہن۔

۲۰۔ میری جان دی رکھوالی کرتے مینوں بچا۔ مینوں شرمندہ

نہ ہون دے کیوں جو میرا آسرا بھروسہ تیرے اُتے ہے۔

۲۱۔ بخش دے پی سچائی تے سدھیائی میری راکھی کرن کیونکہ

میں تینوں تگدا رہندا ہاں۔

۲۲۔ خدایا توں اسرائیل نوں اُہیاں ساریاں تنگیاں تھوں چھٹکارا تے



## مرنور (۲۷) روز-۶

۱- خداوند میرا چنان تے میرا بچاؤ ہے میں کس تھوں ڈرے؟  
 خداوند میری زندگی و اقلعہ ہے میں کس تھوں خوف کھاواں؟  
 ۲- جس دیلے شہزیرے - چہڑے میرے دشمن تے میرے  
 ویری ہن میرا گوشت کھاؤں نوں میرے اُتے آن چڑھے تہ اُہ  
 ٹھٹھا کھا کے ڈوگ پئے -

۳- بھانویں اک فوج میرے گرد ڈیرہ پائے میرا دل نہیں  
 ڈرے گا۔ بھانویں میرے برخلاف لڑائی چٹے تاں بھی میں خاطر جمع رہاں گا  
 ۴- میں نے خداوند تھوں اک مُراد منگی تے میں اُہدے  
 کھڑے پیا رہاں گا کہ میں خداوند دے گھر وچ عمر بھر رہاں تاں جو  
 میں خداوند دے جمال نوں دیکھاں تے اُہدی ہیکل دی حقیقت  
 دریافت کراں -

۵- کیوں جو بہتا دے ویلے اُہ اپنے تنہو دے اندر وار مینوں  
 لکائیگا تے اپنے ڈیرے دے اندر چھپائیگا۔ اُہ مینوں چٹان اُتے چڑھائیگا  
 ۶- ہن میرے سارے آلے دوالے دے ویریاں وچ میرا سر اُچھا  
 کیتا جائیگا تے اُہدے تنہو وچ خوشی دے چڑھاوے چاڑاں گائیں  
 گاوانگا۔ ہاں میں سُر بنکے خداوند دے گیت گاوانگا +

۷- ہے خداوند جد میں اپنی آواز نال تینوں پیکاراں تہ  
 توں میری سُن لے۔ تے میرے اُتے دیا کر کے مینوں اُتر دے۔

## مرمور (۲۷)

روز-۶

۱- خداوند میرا چائن تے میرا بچاؤ ہے میں کس تھوں ڈرے؟  
خداوند میری زندگی دا قلعہ ہے میں کس تھوں خوف کھاواں؟

۲- جس دیلے شہزادے- پھڑے میرے دشمن تے میرے  
ویری ہن میرا گوشت کھاؤں نوں میرے اُتے آن چڑھے تدا  
ٹھٹھا کھا کے ڈوگ پئے۔

۳- بھانویں اک فوج میرے گرد ڈیرہ پائے میرا دل نہیں  
ڈرے گا۔ بھانویں میرے برخلاف لڑائی چھتے تاں بھی میں خاطر جمع رہاں گا  
۴- میں نے خداوند تھوں اک مراد منگی تے میں اُہدے  
کھڑے پیا رہاں گا کہ میں خداوند دے گھر وچ عمر بھر رہاں تاں جو  
میں خداوند دے جمال نوں دیکھاں تے اُہدی ہیکل دی حقیقت  
مدیافت کراں۔

۵- کیوں جو بیتا دے ویلے اُہ اپنے تنبو دے اندر وار مینوں  
لکائیگا تے اپنے ڈیرے دے اندر چھپائیگا۔ اُہ مینوں چٹان اُتے چڑھائیگا  
۶- ہن میرے سارے آلے دوالے دے ویریاں وچ میرا سر اُچھا  
کیتا جائیگا تے اُہدے تنبو وچ خوشی دے چڑھاوے چاڑاں گائیں  
گادانگا۔ ہاں میں سر بنکے خداوند دے گیت گادانگا۔

۷- ہے خداوند جد میں اپنی آواز نال تینوں پیکاراں تدا  
توں میری سُن لے۔ تے میرے اُتے دیا کر کے مینوں اُتر دے۔



۷۔ خداوند میرا قلعہ تے میری ڈھال ہے میرے دل نے  
اُس اُتے آسرا رکھیا ہے تے مینوں سہاتا ملی ہے۔ سو میرا دل  
خوشی لئی اُپھلدا ہے تے میں اپنے گیت نال اُہدیاں صنقاں گانگا  
۸۔ خداوند اُہناں دی قوت ہے اُہ اپنے مسح کیتے ہوياں  
لئی بچاؤ دا بُرج ہے۔

۹۔ اپنی اُمّت نوں بچاتے اپنی میراث نوں مُبارک کر۔ اُہناں  
دی پالنا کرتے سدا اُہناں نوں سمبھالی رکھ ۛ

## مزمور (۳۰) روز-۶

۱۔ ہے خداوند میں تیری وڈیائی کرانگا کیونکہ توں نے مینوں  
اُتوں کھینچ لیا ہے تے میرے ویریاں نوں میرے اُتے خوش نہ ہون  
۲۔ ہے میرے رب میں تیری دُہائی دتی تے توں مینوں  
جنگیاں کیتا۔

۳۔ خداوند اُنوں میری جان نوں پاتالوں اُٹھا لیا ہے۔ توں  
نے مینوں جیوندیاں رکھیا ہے پئی میں قبر وچ نہ جا پواں ۛ  
۴۔ ہے خداوند دے بھگتو اُہدے گن گاتے اُہدے پاک  
نام دی یاد وچ شکر کرو۔

۵۔ کیونکہ اُہدا غصّہ پل بھر دا ہیگا۔ اُسدی کرپا نال زندگی  
ہے۔ بھانویں ترکالاں نوں سیاپا آ اُترے پر سویر نوں خوشی آ دِگی ۛ



۶۔ میں تاں سکھدے ویلے آکھیا پئی میں کہدے ٹالیا نہیں جاؤنگا  
 ۷۔ توں خداوند اپنی کرپا نال میرا ٹیلہ قائم کیتا سی۔ توں  
 اپنا منہ لکایا تے میں گھا بر گیا۔

۸۔ خداوند میں نے تیری دُہائی دتی۔ تے خداوند دے  
 اگے میں راہ بنیتی کیتی

۹۔ پئی میرے خُون دا کی فائدہ جد میں ٹوئے وِج پواں  
 بھلا مٹی تیری وڈیائی کر گئی؟ بھلا اُہ تیری سچائی دسیگی؟  
 ۱۰۔ سُن خداوند تے میرے اُتے دیا کر۔ ہے خداوند

توں میرا بیلی ہو۔

۱۱۔ توں میرے رون نوں نچن نال بدل دتا۔ توں میرے  
 تپڑنوں لاہ سٹیا تے میرے لک دوالے خوشی دا پٹکا اسواٹے بٹھا  
 ۱۲۔ پئی میرے پت تیریاں صفتاں گاکے چُپ نہ رہے ہے  
 خداوند میرے رب میں سدا تیرا شکر ادا کروارہاں گکا۔

روز ۷

## مزمور (۳۲)

۱۔ دھن ہے اُہ جہدا گناہ بخشیا گیا جہدی خطا ڈھکی گئی۔

۲۔ دھن ہے اُہ آدمی جہنوں خداوند گناہیں نہیں متھدا

تے جہدی رُوح رُچ دغا نہیں۔

۳۔ جتناں چریں چُپ وُٹی رکھی سارا دن ہونگیاں ہونگیاں

میریاں ہڈیاں مسک گئیاں -

۴- کیوں جو تیرا ہتھ دے رات میرے اُتے بھارا سی  
میرا دتر ہاڑ دی اوڑ نال بدل گیا -

۵- میں تیرے اگے اپنی خطا دا اقرار کیتا تے اپنا قصور  
ہنیں لگایا میں آکھیا پئی میں خداوند دے اگے اپنے گناہ  
نوں من لوانگا - تے توں میری خطا دے قصور نوں بخش دتا -

۶- اس لئی ہر اک جھڑا دیندار ہے تیرے اگے اُس ویلے دُعا  
منگیا کرے جس ویلے تیرے نال میل ہو سکدا ہے - ٹھیک وڈے  
ہڑ بھانویں پھر جان پر اُس توڑی ہنیں اڑنگے \*

۷- توں میری پناہ ہیں توں مینوں مصیبتوں بچائے رکھینگا  
توں میرے چوہر فیوں چھٹکارا دے گیت گوانینگا \*

۸- میں تینوں سکھالانگا تے جس راہ اتے تینوں چلنا چاہیدا  
ہے تینوں رستہ دسانگا - تیرے اُتے نگاہ رکھکے تینوں صلاح دینگا \*

۹- تیں گھوڑے تے خچر وانگوں نہ ہوؤ - اہ بے عقل ہین  
لگام تے باگڈور اُہناں دے قابو رکھن لئی لوڑیدے ہین نہیں  
تاں اہ تیرے نیڑے نہیں آونگے \*

۱۰- شریاں اُتے بہت ساریاں وقتاں آوندیاں ہین پر جس  
آسرا خداوند اُتے ہے اُہدے دوالے دیا گھیرا پائیگی -

۱۱- ہے صادقو خداوند مچ خوش ہوؤ تے مگن رہو - ہے



دل دے سدھیو خوشی مناؤ +

روزہ

## مزمور (۳۳)

۱۔ اے صادقو خداوند دے اگے خوشی مناؤ کیونکہ سدھیاں

نوں حمد کرنی سجدی ہے۔

۲۔ بین دجا کے خداوند دا شکر کرو وشن تار والی سازنگی دجا کے

سُر نال گاؤ۔

۳۔ اُہدا نواں گیت گاؤ تھکڑے ہو کے بلند آواز دے

نال چنگی طرح دجاؤ۔

۴۔ کیونجہ خداوند دا کلام برحق ہے تے اُہدے سارے کم

وفاداری نال ہندے ہین۔

۵۔ صدق تے انصاف اُہنوں پسند آوندے ہین۔ دُنیا

خداوند دی دیا نال بھری ہوتی ہے۔

۶۔ خداوند دے کلام نال اسمان بن گئے تے اُہناں دے

سارے لشکر اُہدے منہہ دے دم نال۔

۷۔ اُہ سمندر دے پانی نوں دانیاں دے بول دانگوں

اکٹھیاں کردا ہے۔ اُہ ڈونگیاں پانیاں نوں مودی خانیاں بیچ

رکھ چھڈا ہے +

۸۔ ساری دُنیا خداوند تھوں ڈرے۔ جہان دے سارے



وسکین اُسا خوف رکھن۔

۹۔ کیونجو اُسے اکھیاتے اُہ بن گیا۔ اُسے حکم نال اُہ

تائیم ہويا \*۔

۱۰۔ خداوند نے قوماں دی صلاح نوں اُٹا دتا۔ لوکاں دیاں

منصوبیاں نوں اُہن اکارتھ کردتا ہے۔

۱۱۔ خداوند دی صلاح سدا قائم رہندی ہے تے اُسے دل

دی منشا پیڑھیوں پیڑھی ہے۔

۱۲۔ بھاگاں والی اُہ اُت جہا خدا یہو وہ ہے۔ ہاں

اُہ قوم جہنوں اُسے اپنی ورثہ ہون لئی چن لیا ہے \*۔

۱۳۔ خداوند اسمانون نظر کردا ہے اُہ سارے بنی آدم نوں

دیکھدا ہے۔

۱۴۔ اُہ اپنے مقام تھوں زمین دے سارے سکیناں نوں تھکدا ہے

۱۵۔ اُہناں سبھناں دے ولاں نوں اُہ ہی بناؤندا ہے۔

اُہ اُہناں دے سارے کماں ول دھیان کردا ہے \*۔

۱۶۔ فوج دے وادھے نال کسے بادشاہ دا بچاؤ نہیں ہندا۔

تے نہ پہلوان بڑے زور نال چھڑدا ہے۔

۱۷۔ بچاؤ واسطے گھوڑاں نہجی چیز ہے تے نہ اپنی وڈی

طاقت نال کسے نوں چھڑاؤندا ہے \*۔

۱۸۔ دھیان کرو۔ خداوند دی اکھ اُہناں لوکاں ول لگی

رہندی ہے جہڑے اُس تھوں ڈروے ہین۔ ہاں اُہناں ول  
جہڑے اُہدی دیا نوں اڈیکدے ہین

۱۹۔ پئی اُہناں دی جان نوں موت تھوں بچائے تے

انڑائی دے دناں وچ اُہناں نوں جیوندے رکھے +  
۲۰۔ ساڈا جی خداوند دی اڈیک کردا ہے کہ اُہ ساڈا جاتی

تے ساڈی ڈھال ہے -

۲۱۔ کیونکہ ساڈا دل اُس تھوں خوش رہیگا۔ اس سببوں

کہ اساں اُسدے پاک نام اُتے اُسر دھریا ہے -

۲۲۔ جس طرح اساں تیری اڈیک رکھی ہے اونویں خداوند

تیری دیا ساڈے اُتے آن ٹکھے +

روز-۸

## مرمور (۳۴)

۱۔ میں ہر ویلے خداوند نوں مبارک آکھانگا اُہدی وڈیائی

سدا میرے مُنہ وچ ہوو گی۔

۲۔ میری رُوح خداوند اُتے فخر کریگی۔ وچارے لوگ جسکے خوش ہونجے

۳۔ میرے نال خداوند دی وڈیائی کرو۔ رُل کے اُہدے نام

دیاں صفتاں کریئے +

۴۔ میں نے خداوند نوں ڈھونڈیا تے اُہن میری مَنی

تے میرے سبناں خوناں خطریاں تھوں مینوں چھڈایا +



۵۔ اُہناں اُس دل تکیا تے چائن پایا ہے۔ اُہناں دے  
مُسنہ شرمندہ نہ ہوئے

۶۔ اس وچارے نے پاریا دُہائی کیتی تے خداوند نے سُن  
لئی تے اُہدیاں ساریاں پتیاں تھوں اُس نوں پکایا۔

۷۔ خداوند دا فرشتہ اُہناں ساریاں دے دواے بہرے  
اُستھوں ڈروے ہین ڈیرا لاؤندا ہے تے اُہناں دی خلاصی کر دیا

۸۔ چکھ کے ویکھو پئی خداوند بھلا ہے۔ دھن ہے اُہ منگھ  
جہدا بھروسہ اُس اُتے ہے۔

۹۔ اے خداوند دے سنو اُس تھوں ڈرو کیونجو اُہدے  
ڈرن والیاں نوں کوئی تھڑ نہیں۔

۱۰۔ شیر دے پتیاں نوں تھڑ تے بھک آؤندی ہے پر  
خداوند دے ڈھونڈھن والیاں نوں کسے چنگی چیز دا گھاٹا نہیں ہونا۔

۱۱۔ آؤ پھیو میری سنو تے میں تہا نوں خداوند دا خوف سکھلا۔  
۱۲۔ اُہ کہڑا بندہ ہے جہنوں زندگی دا شوق ہے۔ تے وڈی عمر

نوں اس لئی چاہندا ہے پئی بھلیائی ویکھے؟

۱۳۔ اپنی زبان نوں بُریائی تھوں تے اپنے مُسنہ نوں فریب  
تھوں ڈکی رکھ۔

۱۴۔ بُریائی تھوں تھٹ جاتے بھلیائی کر سلامتی نوں لبھ  
تے اُہدا پچھا کر \*



- ۱۵۔ خداوند دیاں اکھیاں صادقانِ دل تے اُہرے کن  
اُہناں دی فریادِ دل لگے رہندے ہین۔
- ۱۶۔ خداوند دا منہ لکرمیاں دے خلاف ہے تاں جو اُہناں  
دا نام نشان دھرتی اُتوں مٹا دیوے +
- ۱۷۔ صادق دہائی دیندے ہین تے خداوند سُندا ہے تے اُہناں  
نوک ساریاں بیتاں تھوں کڈہ لیندا ہے۔
- ۱۸۔ خداوند تُوئے دل والیاں دے نیڑے ہے تے ماری  
گئی رُوح والیاں نوں بچاؤندا ہے۔
- ۱۹۔ صادق نوں بہت ساریاں مصیبتاں پیندیاں ہین  
پر خداوند اُہنوں اُہناں سبھناں تھوں چھڈاؤندا ہے۔
- ۲۰۔ اُہ اُہناں دیاں ساریاں ہڈیاں دا راکھا ہے تے  
اُہناں وچوں اک بھی نہیں ٹسڈی۔
- ۲۱۔ بُریائی شریہ نوں جانوں ماریگی تے اُہ جہڑے صادق  
نال ویر رکھدے ہین اُہ دوستی ٹھہرنگے۔
- ۲۲۔ خداوند اپنے بندیاں دی جان وا چھٹکارا کراؤندا ہے  
تے اُہناں وچوں جہڑے اُس اُتے بھروسہ رکھدے ہین کوئی  
بھی مجرم نہ ٹھہرنگا +

## مزمور (۱۰۸) روز-۸

۱- خدایا میرا دل قائم ہے۔ میں گادانگا۔ ماں میں اپنی ساری طاقت نال صفتاں گادانگا۔

۲- جاگ ہے بہن تے ستار۔ میں بھی تڑکے جاگانگا۔

۳- خداوندائیں لوکاں وچ تیرا شکر کرانگا تے قوماں وچ تیریاں صفتاں گادانگا۔

۴- کیونجہ تیری دیا دی قدر اسماناں تھوں اچھی تے وڈی ہے تے تیری سچائی اکاس تیکر پہنچدی ہے۔

۵- خدایا توں سر بند ہو اسماناں دے اُتے۔ تے تیرا جلال ساری دھرتی دے اُپر۔

۶- اپنے سچے ہتھ نال بچاتے ساڈی سُن تانجہ تیرے پیارے چھڈائے جان۔

۱۲- دشمن دے برخلاف سانوں مدد دے۔ کیونجہ انسان می بچاؤ بیفائدہ ہے۔

۱۳- خدایا طفیل نال اسیں بہادری کرانگے کیونجہ اہ ہی ہے بہڑا ساڈے دشمنان نوں تارٹیکا۔

## مزمور (۳۷) روز-۹

۱- بدکاراں دے سبب نہ کھڑتے منڈے کرم والیاں ولوں نہ مٹر

۲۔ کیونچو تھوڑے چر پچھوں اُہ گھاہ وانگوں وڈھے جانگے  
تے ہریا دل وانگوں گملا جانگے ۛ

۳۔ خداوند اُتے بھروسہ رکھ تے بھلیائی کر زمین اُتے  
وس تے ایمانداری دا پچھا کر۔

۴۔ تہ توں خداوند وچ خوشیاں منائینگا تے اُہ تیرے  
دل دیاں عرضاں نوں پوریاں کریگا۔

۵۔ اپنا راہ خداوند نوں سونپ تے اُس اُتے آسرا  
رکھ اُہ سبھ کجھ ٹھیک کریگا۔

۶۔ تے اُہ تیری نیکی نوں نور وانگوں تے تیرے انصاف  
نوں دوپہر دے چانن ورگا چمکائیگا۔

۷۔ خداوند دے اگے چپ کیتیاں رہ تے صبر نال  
اُہدی اڈیک رکھ۔ اُس آدمی دے سبب جھڑا اپنے کاروبار وچ  
کامیاب ہے تے جھڑا بُرے منصوبے چلا رہیا ہے توں نہ کڑ  
۸۔ غصے نوں چھڈ تے قہر تھوں باز آ۔ کڑہاں جو بُرائی نہ نکالے۔  
۹۔ کیونچو بدکاراں دی جڑہ پٹی جانگی پر خداوند دے اڈیکن  
والے زمین دے وارث ہونگے ۛ

۱۹۔ بھیڑے دناں وچ اُہ شرمندہ نہ ہونگے تے کال دے  
سمے وچ اُہ رُج جانگے

۲۰۔ پر شریر برباد ہو جانگے خداوند دے دشمن تحفہ گھا



واگموں ہونگے اُہ تاں اُڈائے جا گئے ہاں دھوئیں واگموں اُڈائے جائے  
 ۲۱۔ شریر آدمی اُدھار چُک لیندا ہے تے مڑ دیندا نہیں۔ صادق  
 سگوں دیا کرداتے دیندا ہے۔

۲۳۔ انسان دے قدماں نوں خداوند قائم کردا ہے تے  
 اُہدا راہ اُہنوں پیارا ہے۔

۲۴۔ بھانڈیں اُہ ڈِگ ہی پئے پر ڈُگیا نہ رہیگا کیونکہ خداوند  
 اُسنوں اپنے ہتھ نال سنبھال لیندا ہے \*

۲۵۔ میں جوان ہے ساں تے ہُن بڈھا ہويا ہاں پر میں  
 ناں صادق نوں چھڈیا ہويا تے نہ اُہدی نسل نوں ٹُکڑے  
 منگدیاں ڈٹھا ہے۔

۲۶۔ اُہ سارا دن دیا کر کے اُدھار دیندا ہے تے اُہدی  
 نسل مُبارک ہے \*

۲۷۔ بُریائی نوں چھڈ تے بھلیائی کرتے توں ہمیشہ  
 توڑی ٹُکیر ہو۔

۲۸۔ کیونکہ خداوند نیاؤں نال پیار رکھدا ہے تے اپنے  
 بھگتاں نوں چھڈ دا نہیں۔ اُہناں دی سدا توڑی راکھی ہندی  
 ہے۔ پر بے دیناں دی نسل دا تھیحھ ہو جائیگا \*

۲۹۔ صادق زمین دے وارث ہونگے تے اُس اُتے  
 سدا ٹیکرے رکھے رہنگے \*

۳۰۔ صادق و امنہ دانائی ویاں گلاں کرا ہے تے اُہدی  
زبان تھوں انصاف نکلا ہے -

۳۱۔ اُسدے خُدا وی شرع اُہدے دل وچ ہے تے  
اُہدے پیر نہیں تِلکنگے \*

۳۲۔ بے دین دیندار نوں تاڑ دا ہے پئی موقع پا کے  
اُہنوں مارے \*

۳۳۔ خداوند اُہنوں اُہدے ہتھ وچ نہ چھڑیگا نہ اُہنوں  
مکرم دیکھ کے مجرم ٹھہرائیگا \*

۳۴۔ خداوند نوں اڈیک تے اُہدے راہ وچ چل تے  
اُہ تینوں دودھاویگا پئی توں زمین دا وارث بنیں۔ جدوں شرایاں  
وی بربادی ہووے تاں توں دیکھینگا۔

۳۵۔ میں نے شرایاں نوں بڑا زبردست تے اُس طرح پھیلایا  
دیکھیا جس طرح ہریا بھریا دخت اپنی خاص زمین وچ پھیلدا ہووے  
۳۶۔ پر اُہ جاندا رہیا تے دیکھو اُہدا نام نشان مٹ گیا۔ ہاں  
میں بھی اُہنوں ڈھونڈیا پر اُہدا پتہ نہ لگیا \*

۳۷۔ بے عیب آدمی نوں تاک تے سدھے ول دھیان کر  
کیونجہ اچھے بندے دا اخیر سلامتی ہے۔

۳۸۔ پر گناہیں اکٹھے ہی تباہ ہو جائیگی۔ بڑے آدمی دا اوکھ  
نہیستی ہے \*

۳۹- پر صادقان دی بچاؤ خداوند تھوں ہے۔ تے وکھ  
دے ویلے اہ اہناں دا قلعہ ہے۔

۴۰- تے خداوند اہناں دی مدد کروا اتے اہناں نوں خلاصی  
دیندا ہے۔ اہ شریاں تھوں اہناں نوں خلاصی دیکر بچاؤندا ہے  
کیونکہ اہناں نے اسے دی پناہ لی \*۔

روز - ۱۰

### مزمور (۳۸) \*

۱- اے خداوند غصے نال مینوں نہ جھڑک تے نہ اپنے سخت  
نہر نال مینوں تنبیہ دے  
۲- کیونجھ تیرے تیر میرے وچ آدھسے ہین - تیرا ہمتھ مینوں  
بیٹھاں دباؤندا ہے -

۳- تیرے تہر دے سببوں میرے جسم نوں تندرستی نہیں ہے۔  
تے نہ میرے گناہ دے سببوں میری ہڈیاں نوں آرام ہے -  
۴- کیونجھ میرے گناہ میرے سراٹوں دی لنگھ گئے - تے  
بھاری پنڈ وانگوں اہ میتھوں چھکے نہیں جاندے \*۔

۵- یارب میریاں ساریاں مراداں تیرے اگے ہین۔ تے  
میرے ہاؤکے بھرنے میتھوں لگے نہیں رہندے -

۱۰- میرا دل دھڑکدا ہے میرے وچ طاقت ٹھک گئی۔  
میریاں اکھیاں دی جوت اہ بھی میتھوں جاندی رہی -

۱۱- میرے پیارے تے میرے دوست میری چوٹ دے  
سببوں میتھوں لانبھے کھڑے ہوئے ہین۔ تے میرے انگ ساک



دوسارے جا کھلونڈے ہین۔

۱۲۔ میری جان دے گا ہک پھاہی لاؤندے ہین۔ تے  
جہڑے میرا نقصان چاہندے ہین اہ بگاڑ دیاں گلاں کر کے  
دن بھر منصوبے بناؤندے ہین۔

۱۳۔ پر بھولا آدمی جھیا میں سندا نہیں ماں۔ تے میں اس  
گونگے وانگوں ماں جہڑا منھوں کوڈا نہیں۔

۱۴۔ ماں میں بھولا جھیا بن گیا ماں جہڑا کچھ نہیں سندا تے  
جہڑا منھوں کوئی جواب نہیں دیندا۔

۱۵۔ خداوندا سینوں تیری اڈیک ہے۔ توں جواب دیوینگا یا  
میرے خدایا۔

۱۶۔ میں جو اکھیا سی پئی ابھیا نہ ہو کہ اہ میرے اُتے خوشی  
مناون تے جس ویلے میرے پیر تلکن اہ میرے اُتے چھلن +  
۱۷۔ کیونجو میرے پیر رُک چلے ہین تے میرا غم سدا میرا  
اکھیاں اگے ہے۔

۱۸۔ کیونجو میں اپنے گناہ دا اقرار کرانگا تے اپنی خطا  
لئی پیچتا وانگا +

۱۹۔ پر میرے ویری تگرے تے زور آوہن۔ تے جہڑے جن  
میرے نال عداوت کروے ہین اہ بہت ہین۔

۲۰۔ نلے اہ جہڑے بھلیائی دے اُلٹ بُریائی کر دے ہین

میرے نال لڑے ہیں کیونکہ میں بھلیائی دا بچھا کر داناں -

۲۱- خداوند! مینوں چھڈ نہ دے میرے خدایا میثقلوں دُور نہ ہو

۲۲- خداوند! توں میری بچاؤ ہیں پھیتی نال میری مدد کر +

## مزمور (۳۹) روز-۱۰

۱- میں آکھیا پی میں اپنے راہاں وچ چو کسی کرانگا جو کتے  
میں زبان تھوں خطا نہ کراں - حجر شریر میرے اگے ہیں میں اپنے  
سنہ نون قابو رکھانگا +

۲- میں چپ و طمے گونگا ہو رہا تے بھلا کہن تھوں بھی  
دڑوٹ چھڈی تے میرا غم تازہ ہو گیا -

۳- میرا من میرے اندر تپ گیا تے میرے سوچدیاں  
سوچدیاں اگ بھڑک اٹھی - تہ میری زبان تھوں راہ گل نکلی -

۴- پی خدا وندا مینوں میرا اوڑک دس - تے راہ بھی کہ میری  
مُرکنیک ہے تاں جو مینوں پتہ لگ جائے کہ میں کیڈا ناناں -

۵- لیو - میری زندگی دے دن چپا جتے ہیں - میری عمر  
تیرے اگے کچھ چیز نہیں - سچ جج ہر اک آدمی بھانویں قائم تے مضبوط  
ہو پر تہ بھی دم ہی دم ہے +

۶- اصل پچھو انسان دا زندگی کٹنا خیال ہی خیال ہے  
سچ جج اہ بیفائدہ رولا پاؤندا ہے - اہ مال جمع کر دے تے نہیں



جاندا کہ اُہنوں کون سانبھیگا \*

۷۔ خداوندا ہُن میں کہدی اُڈیک کراں؟ میری اُس تیرے اُتے ہے \*

۸۔ میرے سارے گناہاں تھوں مینوں چھڈا۔ مَوکھاں دی زندیا مینوں نہ بنا \*

۹۔ میں گونگا ہو رہا تے اپنا مُنہ نہ کھولیا کیونکہ تُوں ہی راہ کیتا ہے۔

۱۰۔ اُس چوٹ نوں بھڑی تُوں لائی میتھوں دُور دفع کر۔ تیرے ہتھ دی مار نال میرا ناس ہو گیا ہے۔

۱۱۔ جد توں گناہ دے سببوں جھٹک جھنکے انسان دی تہنہ کردا ہیں تہ تُوں اُہدے سپین نوں لیہ وانگوں آلوپ کردا ہیں سچ سچ سارے آدمی اینویں ہی ہین \*

۱۲۔ خداوندا میری دُعائیں لے تے میری فریادوں کن لا۔ میرے ہنجو ویکھ کے چپ نہ کر کیونکہ میں تیرے اگے پردیسی تے اپنے سارے وڈھیاں وانگوں مسافر ہاں۔

۱۳۔ مینوں چھڈ دے پئی میں تازہ ہو جاواں اِس تھو پہاں پئی میں اتھوں کوچ کراں تے مَٹ نظر نہ آواں \*



روز ۱۱

## مزمور (۲۰)

۱۔ میں جگرا کر کے خداوند نوں اڈکیا تے اُسے میرے دل  
کن جھکایا تے میری فریاد سُن لی۔

۲۔ اُس نے مینوں غُضب دے ٹوئے وچوں ہاں جَلّھن  
وچوں کڈھ لیا۔ تے میرے پیراں نوں چٹان اُتے رکھ کے  
میرے قدماں نوں قائم کیتا۔

۳۔ تے اُہنے میرے منہہ وچ اک نواں گیت پایا جھدے  
نال ساڈے خداوند دی حمد ہووے۔ بہتیرے دیکھن گے تے  
ڈر جانگے تے خداوند اُتے بھروسہ رکھنگے +

۴۔ وھن ہے اُہ بندہ جہڑا خداوند نوں اپنا آسرا بناؤندا ہے  
تے گھنڈیاں داٹے اُہناں لوکاں دا جھڑے جھوٹ ول جھکدے  
ہین دھیان نہیں کروا +

۵۔ ہے خداوند میرے خُدا تیرے اچرج کم جو توں کر  
دکھالے تے تیرے خیال جو توں ساڈے حق وچ رکھدا ہین بہتے  
ہین۔ ہو نہیں سکدا پئی درجہ وار تیرے اگے گئے جان۔ جیکر میں  
اُہناں نوں کھول کے دساں اُہ تے حسابوں باہر ہین +

۶۔ قُربانی تے چڑھاویاں نوں توں نہیں چاہیا توں نے میرے  
کن میرے لئی چھیک سٹے۔ سوختنی قربانی تے خطا دی قربانی  
توں نہیں منگی +

۷۔ تندیں اکھیا کہ لئوئیں آیا ماں-کتاب دے ورتیاں وچ  
میرے لئی ہدایت لکھی ہے۔

۸۔ تیری مرضی نوں پورا کرن وچ اے میرے خدا میں  
آند ہاں۔ تے تیری شریعت میرے دل دے اندر ہے۔

۹۔ میں نے بڑی منڈلی وچ صداقت دی منادی کہیتی  
ہے۔ دیکھ میں اپنی زبان نہیں روکی۔ خداوندائیتوں معلوم ہے۔

۱۰۔ میں تیری صداقت نوں اپنے دل وچ لکا نہیں رکھیا  
تیری وفاداری تے تیری نجات میں دس دتی۔ میں تیری مہرتے  
تیری سچائی نوں بڑی منڈلی تھوں نہیں چھپایا۔

۱۱۔ ہے خداوند مینوں رحمتاں دین تھوں تیرا ہتھ مرگ نہ  
جائے۔ تیری مہرتے تیری سچائی ہر ویلے میرے راکھے رہن۔

۱۲۔ کیونکہ انگنت بُریاں نے میرے دوالے گھیرا پالیا۔ میرے  
گناہاں نے مینوں اُن پھڑیا اٹھوں توڑی پئی میتھوں اُٹاں دیکھیا  
نہیں جاندا۔ اُہ تاں میرے سروے بالاں تالوں ودہ ہن۔ تے  
میں بے دل ہو گیا۔

۱۳۔ خداوند دیا کر کے مینوں بچا لے۔ ہے خداوند چھیتی نال  
میری مدد کر۔

۱۴۔ بھڑے لوک مارن لئی میری جان لہدے ہن اُہ ساک  
شرمندہ تے کھل ہون۔ اُہ بھڑے میرا نقصان چاہندے ہن پچھا



ہٹائے جان تے مُنہ کالا ہون -

۱۵- اُہ سارے جہناں نے میرے مگر ہوئے ہوئے لائی

ہوئی ہے اپنی نموشی دے مارے اُجڑ جان -

۱۶- اُہ سارے بھڑے تینوں لہجہ دے ہین تیتھوں رضی

تے خوش ہون- بھڑے تیری نجات دے چاہن والے ہین سدا

اکھیا کرن پئی خداوند دی وڈیائی ہووے -

۱۷- میں تاں غریب تے کنگال ماں خداوند نوں میرا فکر ہے-

میری سہاٹا تے میرا چھڑاؤن والا توں ہی ہیں- اے میرے خدا دیر نہ کر

روز-۱۱-

## مزمور (۴۱)

۱- دھن ہے اُہ آدمی جہڑا کنگالاں دا فکر کردا ہے- خداوند اُہنوں

شنگی دے ویلے چھڑاویگا-

۲- خداوند اُہدی رچھیا کریگا تے اُہنوں جیوندیاں رکھیگا تے

زمین اُتے اُہ دھنیاوان ہوویگا- تے توں اُہنوں اُہدے ویریاں

دے دس روج نہ چھڈ-

۳- بیماری دی مہنجی اُتے خداوند اُہنوں سنبھالےگا توں اُسدی

بیماری دے سیمیں اُہدا سارا بسترہ اُٹھا کے وچھاویگا +

۴- میں اکھیا پئی خداوند میرے اُتے دیا کر- میری جان توں

جگا کر- میں تیرا گناہ جو کیتا ہے -

## مرمور (۴۲)\*

روز-۱۲

۱- جویں ہرنی پانی دے سوتیاں لئی ترسی ہے توں ہی  
میرا جی اے خدا تیرے لئی ترسا ہے۔

۲- میرا جی خُدا- ماں جیوندے خدا دے لئی تنہا ہے- میں  
کد آواں تے خُدا دے اگے حاضر ہوواں؟

۳- میرے ہنجر رات دن میری خوراک ہین۔ اُہ سارا دن  
میںوں اہ اکھدے رہندے ہین پئی تیرا خدا کتھے ہے؟

۴- راہناں گلاں نوں یاد کر دیاں کر دیاں میں اپنے جی  
نوں اپنے وچ ڈولدا ماں پئی میں کس طرح جماعت دے سنگ-  
ماں عید والی منڈلی دے سنگ آگو ہو کے بیت اللہ نوں خوشی  
تے حمد دے گیت گاؤندیاں جایا کر داساں۔

۵- ہے میرے جی توں کاہنوں جھکیا جاندا ہیں؟ تے  
میرے وچ کیہ بے آرامی پئے گئی ہے؟ خدا اُتے اُمید رکھ-  
کیونکہ اُس تندرستی دے لئی جھڑی اُہدے چہرے ولوں ملدی  
ہے میں پھر اُہدی حمد کرانگا۔

## مرمور (۵۰)

روز-۱۲

۱- خدا- ماں خدا- خداوند نے فرمایا ہے- اُہنے سوج  
دے چڑھدیوں یکے لہندے تیکر زمین نوں بلایا۔



- ۲۔ خدَا نے صیّحون وچوں بھڑا سہپن دا کمال ہے چکارا مارا  
 ۳۔ ساڈا خدَا آویگا تے چپ نہ رہیگا۔ اُہدے اگے اگے اگ  
 ساڈیاں چلی جائیگی تے اُہدے آے دوالے غضب دی اندھیری ہوئی  
 ۴۔ اپنی اُمت دی عدالت کرن لئی اُہ اسماناں نوں جھڑے  
 اُپرہن تے زمین نوں بھی راہ آکھ کے ہلاوے گا  
 ۵۔ پی میرے بھگتاں نوں میرے کول اکٹھیاں کرو  
 جہناں میرے نال قربانی دے وسیلے نیم کیتا۔  
 ۶۔ تے اسمان اُہدی صداقت دا بیان کرن گے پی خدَا آپ  
 ہی مُضیف ہے ۔

- ۷۔ سُن اے میری اُمت تے میں بولانگا۔ اے اسرائیل  
 میں تیرے مُنہ اُتے صاف آکھانگا۔ خدَا تیرا خدَا میں ہی ہاں۔  
 ۸۔ میں تیریاں قربانیاں دی بابت تینوں نہیں جھڑکانگا۔  
 تیریاں سوختنی قربانیاں تاں ہر ویلے میرے سامنے چڑھیاں ہن۔  
 ۹۔ میں نہ تیرے گھر دے بلد لینا نہ تیرے واڑیاں دے بکرتے  
 ۱۰۔ کیونکہ جگّھل دے سارے جانور میرے ہن نالے ہزاراں  
 پہاڑیاں دے چوکھر۔

- ۱۱۔ پہاڑاں دے سارے پنکھیرواں نوں میں جاندا ہاں  
 تے میدان دے چارپائے میری نگاہ وچ ہن۔  
 ۱۲۔ میں جے بھکا ہندا تاں تینوں نہ آکھدا کیونجو دُنیا تے



اُہدی بھر پوری میری ہے -

۱۳- کیہ میں ساناں دا ماس کھاواں یا بکریاں دی  
رت پیواں؟

۱۴- شکر دیاں قربانیاں خدا دے اگے چاڑھوتے حق تعالیٰ  
دے حضور اپنیاں منتاں نوں پوریاں کرو۔

۱۵- تے مصیبت دے دہاڑے مینوں پکار میں تینوں  
چھڈاوانگاتے توں میری وڈیائی کرینگا \*

۱۶- پر شریر نوں خدا آیوں آکھدا ہے پئی تینوں کیہ  
کم ہے جو میرے حکماں نوں سنائیں تے میرے نیم نوں اپنی  
زبان اُتے لیاویں؟

۱۷- جس حال وچ پئی توں تہنہ نال ویر رکھدا ہیں تے  
میرے کلام نوں پہٹ پچھے سٹدا ہیں \*

۱۸- جد توں نے چور نوں وچھیا توں اُہدے نال رگلیا  
تے زانیاں دا ساخنی ہويا۔

۱۹- توں نے اپنے منہ نوں بُریائی دے سپرد کیتا ہے  
تے تیری زبان تھوں فریب نکھرا ہے۔

۲۰- توں بیٹھ کے اپنے بھائی دے خلاف بولدا ہیں تے  
اپنے سکے بھرا اُتے تہمتاں لاؤندا ہیں۔

۲۱- توں نے اہ کم کیتے تے میں چُپ وٹ چھڈی۔ توں

نے سمجھیا کہ میں بھی ٹھیک تیرے ورگا ہاں۔ پر میں جھڑک نال  
 ساریاں گلاں نوں اک اک کر کے تیرے منہ اُتے لاواں گا۔  
 ۲۲۔ ہے خدا دے جھلاون والیو اس گل دی وچار کرو۔  
 ابھیا نہ ہووے جو میں تہاڈے ٹوٹے ٹوٹے کسٹاں تے تہاڈا  
 کوئی واس بلی نہ ہووے۔

۲۳۔ جہڑا شکرگزاری دی قربانی چڑھاؤندا ہے اُہ ہی  
 میری عزت کروا ہے۔ تے جہڑا راہ ہی راہ چلدا ہے میں اُس  
 نوں خدا دی بجات دکھاواں گا۔

## مزمور (۵۱)

روز ۱۳

۱۔ اے خدا اپنی محبت دے مطابق میرے اُتے ترس  
 کھا۔ اپنی بہت ساریاں رحمتاں دے مطابق میرے گناہ مٹا دے۔  
 ۲۔ میری بُریائی تھوں مینوں چنگی طرح دھو۔ تے میری  
 خطا تھوں مینوں پاک کر۔  
 ۳۔ کیونجھ میں اپنے گناہ مندا ہاں تے میری خطا  
 سدا میرے اگے ہے۔

۴۔ میں تیری ہاں تیری ہی خطا کہتی ہے تے اُہ کم  
 کہتے جو تیری نظر وچ بُرے ہن۔ جس تھوں توں بولن وچ  
 صادق ٹھہریں تے انصاف کرن وچ توں ٹھیک نکلیں۔



۵۔ دیکھ میں بُریائی وِج جنمیا تے خطا دے نال میری ماں  
نے مینوں گر بھ وِج لیا۔

۶۔ دیکھ توں اندر دی سچائی چاہندا ہیں تے پوشیگی وِج  
مینوں دانائی سکھالینگا۔

۷۔ زوفے نال مینوں پاک کر تے میں صاف ہو جا وانگا۔  
مینوں نہوال تے میں برف نالوں بھی چٹا ہو جا وانگا \*۔

۸۔ مینوں خوشی تے اندر دی خبر سُنا تاں جو اُہ ہڈیاں جھنپ  
نوں نوں چور کیتا ہویا ہے خوش ہوں۔

۹۔ میرے گناہاں دلوں مُنہ موڑ لے تے میری ساری  
بُریاں نوں مٹا دے \*۔

۱۰۔ اے خدا میرے اندر پاک دل پیدا کر تے میرے وِج  
مستقیم روح مڑ کے پا۔

۱۱۔ مینوں اپنے حصنوں کٹہ نہ دے۔ تے اپنی پاک رُوح  
میتھوں لے نہ لے۔

۱۲۔ اپنی بجات دی خوشی مینوں موڑ دے تے آزاد رُوح  
نال مینوں سمبھال۔

۱۳۔ تدیں گناہیاں نوں تیریاں راہاں سکھالانگا تے  
خطا کار تیرے دل مڑنگے \*۔

۱۴۔ ہے خدا میرے بجات دین والے خدا مینوں خُون دے



گناہ تھوں بچا۔ تہ میری زبان تیری صداقت دی بابت زور نال گانگی۔  
 ۱۵۔ ہے خداوند میرے ہونٹھاں نوں کھول دے تہ میری  
 زبان تیری وڈیائی کر گئی۔

۱۶۔ کیونجوتوں قربانیاں نال خوش نہیں مہندا نہیں تاں میں  
 چڑھاؤندا۔ سوختنی چڑھاویاں تھوں توں راضی نہیں ہیں۔  
 ۱۷۔ خدا دیاں قربانیاں ٹٹی ہوئی رُوح ہین۔ اے خدا ٹٹے  
 تے مارے کٹے ہوئے دل نوں توں ماڑیاں نہ سمجھینگا۔  
 ۱۸۔ اپنے فضل نال صیحون دا بھلا کرتے یروسلم دیاں کنڈاں  
 نوں بنا۔

۱۹۔ تہ توں صداقت دیاں قربانیاں۔ ہاں سوختنی چڑھاوے  
 تے ثبوت چڑھاوے تھوں خوش ہوئینگا۔ تہ لوک تیری قربانگاہ اُتے  
 ویر کے چڑھاونگے۔

## مزمور (۶۳) \* روز ۱۳

۱۔ خدایا توں میرا خدا ہیں میں تڑکے تینوں ڈھونڈانگا۔ میری  
 جان تیری تہائی ہے۔ سکی تے سڑی ہوئی زمین وچ جھٹھے پانی  
 نہیں لبھدا میرا سہری تیرے لئی ترسدا ہے۔  
 ۲۔ اسے طرح میں مقدس وچ تینوں تگدا رہا پئی تیری  
 قدرت تے جلال نوں ویجھاں۔

۳۔ میری زبان اس لئی تیری تعریف کرے گی کیونچو تیری دیا زندگی  
نالوں بہتر ہے۔

۴۔ چچر میں جیوندا ماں تینوں اسے طرح مبارک اکھا نکا تیرا  
نام لے لے کے میں اپنے ہتھ اٹھاوانگا۔

۵۔ میری جان آیوں جیگی جویں گودے تے چربی نال۔ تے  
اند کردے ہوئے ہونٹھاں نال میرا منہ تیری دڑیائی کریگا۔

۶۔ جس ویلے میں اپنے دھونے اُتے تینوں یاد کردا ماں  
میں رات دے پہاں وچ تیرا دھیان کردا ماں۔

۷۔ کیونچو توں نے میری بانہ پھڑی تے تیرے پیراں دی  
چھاں دے ہیٹھ میں خوشیاں مناوانگا۔

## مزمور (۶۵) \* روز-۱۳

۱۔ اے خُدا صبحون وچ دڑیائی تینوں اُٹکیدی ہے۔ تے  
تیرے حضور منت پوری کیتی جائیگی۔

۲۔ اے توں جو دُعا دا سُنن والا ہیں سارے بشر تیرے  
کول آونگے۔

۳۔ بُریائیاں میتھوں زور آورہن۔ ساڈیاں تقصیراں جوہن  
توں اہناں نوں مٹا دیگا۔

۴۔ دھن ہے اُہ بندہ جہنوں توں چُندا تے نیڑے لے



آؤندا ہیں پئی تیرے دربار میں رہے۔ اسیں تیرے گھر دی۔ ہاں تیری  
مقدس ہیکل دی خوبی نال سچ جاؤنگے \*

۹۔ تُوں زمین دی خبر گیری لیندا ہیں تے اُہنوں پانی  
دیندا ہیں۔ تُوں اُسُنوں مالا مال کردا ہیں۔ خدا دی ندی پانی نال  
بھری ہوئی ہے۔ اس طرح زمین نوں تیار کر کے تُوں لوکاں لئی  
اناج پیدا کردا ہیں۔

۱۰۔ تُوں واہناں دی جنگی طرح رونی کردا ہیں۔ تُوں اُہے  
وٹ بنے نوں برابر کردیندا ہیں۔ تُوں اُہنوں پھور نال پولیاں  
کردا ہیں۔ تُوں اُسدے سینگراں وچ برکت دیندا ہیں۔

۱۱۔ تُوں اپنی نعمت دا تاج سال اُتے دھردا ہیں۔ تیرے  
قداں تھوں تھنڈیائی ٹپکدی ہے۔

۱۲۔ جنگلی جوہاں اُتے برکت ٹپکدی ہے تے خوشی نے  
بیٹھیاں نوں گھیرا ہویا ہے۔

۱۳۔ اجڑ جوہاں دی پوشاک بن گئے۔ رونا ناں نوں فضل  
نے ڈھک لیا۔ اُہ خوشی نال للکار دے تے گاؤندے ہین \*

روز ۱۲

مزمور (۶۶)

۱۔ ہے زمین دے سارے لوکو خدا دے لئی خوشی دا نعرہ مارو

۲۔ اُہدے نام دی بزرگی دے گیت گاؤ اُہدی وڈیائی

شان نال کرو -

۳۔ خُدا نُوں آکھو واہ تیرے کَم کیڈے ڈراؤنے ہین  
تیری بڑی قُدرت دے سبب تیرے ویری تیرے لگے بہانے کرنگے۔  
۴۔ ساری دُنیا تینوں سجدہ کر لگی تے تیرا گیت گا دِگی اُہ  
تیرے نام دا گیت گا دِگی +

۵۔ آؤ خدا دے کماں نوں ویکھو کہ بنی آدم دے حق وِج  
اُہ ڈراؤنے کَم کر دا ہے -

۶۔ اُسنے سمندر نوں سُکا دتا - اُہ دریا وِچوں سُکّیں پیریں  
لنگھ گئے اُتھے ایس اُسدے سببوں خوش ہوئے -

۷۔ اُہ اپنی قوت نال سدا تیک راج کر دا ہے - اُہدیاں  
اکھیاں قوماں اُتے نگاہ رکھدیاں ہین - باعنی لوک سر نہ چکّے پاؤں  
۸۔ اے قومو ساڈے خُدا نوں مُبارک آکھو اُسدی وڈیائی  
اُچی آواز نال سناؤ -

۹۔ اُسدی بھڑا ساڈی جان نوں جیوندیاں رکھدا ہے  
تے ساڈے پیراں نوں کھسکن نہیں دیندا -

۱۰۔ کیونجھو نُوں خدایا سانوں آزما لیا ہے - توں سانوں  
اس طرح تیا ہے جس طرح چانڈی تائی جاندی ہے -

۱۱۔ توں سانوں جال وِج گھیر لیا تے ساڈے لکّاں  
اُتے بھار پاتا ہے -



۱۲۔ توں لوکاں نوں ساڈے سراں اُتے چاڑھ دتا ہے  
ایس اگ تے پانی وچوں دی لنگھے پر توں سانوں خوش حالی  
وچ پہنچا دتا ۔

۱۳۔ میں سوختی قربانیاں لے کے تیرے گھر وچ آوانگا  
میں اپنیاں اُہناں منتاں نوں پُوریاں کرانگا  
۱۴۔ جھڑیاں میری زبانون نکل گئیاں تے جھڑیاں میرے مُنہ  
نے مٹیاں جس ویلے میں تنگی وچ ساں ۔

۱۵۔ میں موٹے موٹے جانوراں دی قربانی ۔ بھیدواں دی  
خوشبویاں سنے ۔ میں وہڑکیاں نوں بکریاں نال چاڑھانگا +  
۱۶۔ اے سارے لوکو جھڑے خدا تھوں ڈردے ہو اے  
آوتے سُنو میں تہانوں دسا ہاں کہ اُسے میری جان لئی کیہ کجہ کیتا  
۱۷۔ میں مُنھوں اُس نوں پکاریا ۔ تے میری زبان نے  
اُہدیاں صفتاں گائیاں +

۱۸۔ جیکر میں اپنے دل وچ بُریائی رکھاں تاں خدا میری  
نہیں سُنیکا ۔

۱۹۔ پر سچ مُچ خدا نے تے سُن لیا ہے ۔ میری دُعا دی  
آواز دل اُہن دھیان کیتا ہے ۔

۲۰۔ خدا مُبارک ہے جس نے نہ اپنے پاسوں میری دُعا  
نوں نہ میتھوں اپنی دیا نوں ہٹا رکھیا ہے +

## مزمور (۶۷) روز ۱۴

۱۔ خُدا ساڈے اُتے مہر کرے تے سانوں برکت دیوے  
تے اپنا چہرہ ساڈے اُتے جھلکاوے۔

۲۔ تابخو تیرا راہ دھرتی اُتے۔ ہاں تیری نجات ساریاں  
غیر توہاں رُچ جانی جاوے۔

۳۔ خدایا لوکیں تیری حمد کرن۔ سارے لوک تیری حمد کرن۔

۴۔ اُمتاں آئندہ ہون تے خوشی نال گیت گان۔ کیونکہ توں  
راستی نال لوکاں دا بنیاں کرینگا تے دھرتی اُتے اُمتاں دا آگہ ہوینگا۔

۵۔ خدایا لوکیں تیری حمد کرن۔ سارے لوک تیری حمد کرن۔

۶۔ دھرتی نے اپنی پیداوار دتی ہے۔ خدا ہاں ساڈا اپنا  
خدا سانوں برکت دیگا۔

۷۔ خدا سانوں برکت دیگا تے دُنیا دیاں ساریاں کُٹماں  
اُس تھوں ڈرنکیاں۔

## مزمور (۶۸) روز ۱۴

۱۔ خُدا اُٹھے اُہے دشمن تیرے ہون۔ تے اُہ بھڑے اُہے

نال ویر رکھدے ہین اُہے اکوں نس جان۔

۲۔ جس طرح دُھواں اُڑ پڑ جاندا ہے اُسے طرح توں اُہناں نوں

اُداوے۔ تے جویں اگ دے سامنے موم پگھر جاندا ہے توں شریر



خدا دے سامنے ناس ہوں +

۳۔ پر صادق خوش ہوں تے خدا دے اگے گن ہوں۔

ہاں اُہ بہت ہی خوشی مناؤں +

۴۔ خدا دا گیت گاؤ۔ اُہ دے نام دیاں صفقاں گاؤ۔ اُہ دے

لئی شاہی سُرک بناؤ جہڑا جنگلاں وچوں دی سوار ہو کے آؤندا  
ہے۔ اُہدا نام یاہ ہے۔ تے اُس دے اگے خوشی دے مارے اُچھلو +

۵۔ خدا اپنے مقدس مقام وچ یتیم دیاں باپ تے یواں

دا انصاف کرن والا ہے۔

۶۔ خدا اکٹے دے گھر نوں وساؤندا ہے۔ اُہ قیدیاں نوں

چھڑا کے خوشحالی دکھاؤندا ہے۔ پر باغی لوک سُکھی سڑی ہوئی

زمین وچ رہندے ہن +

۱۸۔ توں اُچے اُتے چڑیا توں قید نوں قیدی کر لیا تے

سُنکھاں وچ۔ ہاں باغی سُنکھاں وچ بھی نذرانے لے۔ تاں جو خدا

خدا آہناں دے نال وستے +

۱۹۔ خداوند جو روز روز ساڈا بھار چکدا ہے۔ ہاں اُہ خدا

جو ساڈی بچاؤ ہے مبارک ہووے +

## مزمور (۶۹) \*

روز ۱۵

۱۔ خدایا میںوں بچا لے کیونکہ پانی میری جان توڑی آہنچے میں

۲- میں ڈمٹھ دے چکڑ وچ دھس چلیا جتھے کھلون دا تھا  
نہیں ہے۔ میں ڈونگے پانیاں وچ پے گیا جتھے مٹھا مٹھاں میرے  
اُتوں دی لنگھیاں چاندیاں ہن ۔

۱۴- مینوں چکڑ وچوں کڈھ لے پئی میں غرق نہ ہو جاؤں۔  
میرے ویریاں تھوں مینوں چھڈا تے ڈونگے پانیاں کھوں مینوں بچا لے  
۱۵- پانی دیاں ٹھلاں مینوں دبا نہ لین تے ڈمٹھ مینوں ڈوب  
نہ دے تے نہ کھوہ میرے اُتوں دی بل جائے۔

۱۶- خداوند میری سُن لے کیونجھ تیری دیا چنگی ہے۔ اپنیاں  
بہت ساریاں رحمتاں دے مطابق میرے ول دھیان کر۔  
۱۷- تے اپنے بندے کھوں اپنا مُنہ نہ لکا کیونجھ میں بڑا اکھا  
ہاں۔ چھیتی مینوں جواب دے۔

۱۸- میری چند دے نیڑے آتے اُہنوں چھڈا تے میرے  
ویریاں دے سبب مینوں خلاصی دے۔

۱۹- میرا مہنیاں دا سہنا تے میری شرم تے میری بے عزتی  
توں جاندا ہیں میرے ویری سارے تیرے اگے ہن۔

۲۰- مہنے نال میرا دل ٹوٹ گیا ہے میں بہت ہی اُداس  
ہاں۔ میں تے تنکدا رہیا پئی کوئی مینوں دلاسا دیوے پر کوئی  
ہے نہ سی۔ تے کوئی مینوں تسلا دیوے پر اُہ بھی نہ ملیا۔

۲۱- اُہناں نے کھان لئی مینوں پت دتی تے تریہہ دے



ویسے سرکہ پلایا -

۲۹- میں عاجز تے نعلین ہاں خداوند تیری بچاؤ میںوں اُچی  
جگہ کھلیارے +

روز ۱۵

## مزمور (۸۴)

۱- اے فوجاں دے خداوند تیرے ڈیرے کچے پیارے ہین  
۲- میراجی خداوند دیاں درگاہاں لئی ترسدا سگوں کھسدا  
جاندا ہے - میرا مَن تے میرا تن جیوندے خدا دے  
لئی لکاردہا ہے \*

۳- اے فوجاں دے خداوند میرے بادشاہ تے میرے  
خدا تیریاں قربانگاہاں نوں چڑی نے اپنا گھرتے ابابیل نے  
اپنے بوٹاں نوں رکھن واسطے آلہنا بنا لیا ہے -  
۴- دھن اُہ ہین جو تیرے گھر وچ وسدے ہین اُہ سدا  
تیرے گن گاونگے -

۵- دھن اُہ منکھ جھدا زور تیرے وچ ہے - تے دھن اُہ لوک  
جہنازا دل جاترے اُتے لگیا ہويا ہے -

۶- اُہ ہنجواں دے کھڈ وچوں دی انگھریاں پانی دے  
چشے جاری کر دے ہین - ہاں پہل چھلا اُہنوں برکت نال ڈھک  
لیندا ہے -

- ۷۔ اُہناں دا زور درجیوں درجہ ودھدا جاندا ہے۔ اُہ  
 صیحوں وچ خُدا دے حضور حاضر ہو جاندا ہے۔  
 ۸۔ ہے خداوند فوجاں دے رب میری دُعا سُن لے۔  
 اے یعقوب دے خُدا کن لا۔  
 ۹۔ ہے خدا ساڈی ڈھال ویکھ تے اپنے مسیح دے مُنہ  
 ول دھیان کر۔

- ۱۰۔ کیونکہ تیری درگاہاں وچ اک دن کٹنا ہزار دھاڑیاں  
 نالوں بہتر ہے۔ مینوں تے اپنے خدا دے گھر دے بوہیوں باہر  
 رہنا شرات دے ڈیریاں وچ وِسّ نالوں زیادہ پسند ہے۔  
 ۱۱۔ کیونکہ خداوند خُدا اک سورج تے اک ڈھال ہے۔ خداوند  
 فضل تے جلال دیوے گا۔ سدھے راہ اُتے تَرن والیاں نوں  
 کوئی چنگی وستوں دین وچ اُہ فرق نہ کریگا۔  
 ۱۲۔ ہے فوجاں دے خداوند دھن ہے اُہ آدمی جہدا  
 آسرا بھروسہ تیرے اُتے ہے۔

روز-۱۵

## مزمور (۸۵)

- ۱۔ خداوند توں اپنی زمین اُتے مہربانی کیتی یعقوب دی  
 اسیری نوں توں پھیر لیا یا۔  
 ۲۔ اپنے لوکاں دی بدکاری توں معاف کیتی ہے توں اُہناں



دے سارے گناہ نوں کج دتا ہے ۔

۳۔ تُوں اپنے سارے قہر نوں تھما دتا ہے تے اپنے غصے دی تیزی تھوں مڑیا ہیں ۔

۴۔ سانوں موڑ دے ساڈے نجات دے خدایا ۔ تے اپنے غصے نوں ساڈے اُتوں دفع کر ۔

۵۔ کیہ تُوں سدا تیکر ساٹھوں غصہ ہی پھینکا؟ کیہ تُوں پڑھیوں پڑھی اپنے غصے نوں جاری رکھینکا؟

۶۔ کیہ تُوں پھیر سانوں نہ جوالینکا پئی تیرے بندے تیتھوں خوش ہون؟

۷۔ خداوند! سانوں اپنی رحمت دکھال تے اپنی نجات سانوں بخش ۔

۸۔ میں سنانگا پئی خداوند خدا کیہ فرماؤندا ہے کیونجواہ تے اپنی اُمت تے اپنے مقدساں نوں سلامتی دیاں گلاں سناوینگا۔ پر اُہ پھیر بے وقوفی ول نہ مڑن ۔

۹۔ بیشک اُہی نجات اُہے بھو رکھن والیاں دے نیڑے ہے تانجو ساڈی زمین وچ جلال و سے ۔

۱۰۔ رحمت تے سچائی آپو وچ مل پئے ۔ رستی تے سلامتی نے اک دُجے نوں چمیا ہے ۔

۱۱۔ سچائی زمین دپوں اُگدی ہے تے صداقت نے اسمان

تھوں ہیٹھاں تکیا -

۱۲- ہاں - خداوند چنگیاں چنگیاں چیزاں بخشگا تے ساڈی  
زہن اپنی پیدا وار دیوگی -

۱۳- صداقت اُہدے اگے اگے چلیگی تے اُہدے پترے  
نوں ساڈا رستہ بنائیگی \*

## مزمور (۸۹) \*

روز - ۱۶

- ۱- میں ہمیشہ خداوند یاں رحمتاں دا گیت گادانگا - میں  
تیری وفاداری دی خبر ساریاں پُشتاں نوں اپنے سُنہ نال دینوگا -
- ۲- کیونجہ میں اکھیا ہی رحمت سدا تیکر قائم رہیگی - توں  
اپنی وفاداری نوں عین اسمان دے وچ جاری کریںگا \*
- ۳- میں اپنے چُنے ہوئے نال نیم بدھا ہے - میں اپنے  
بندے داود نوں سونہ کھا کے اکھیا -
- ۴- پئی میں تیری نسل نوں سدا جاری رکھانگا - تے تیرے  
تخت نوں پیڑھیوں پیڑھی قائم رکھانگا \*
- ۵- خداوند اسمان وچ تیرے اہج کتاں دی - تے مقدس  
دی جماعت وچ تیری وفاداری دی حمد کیتی جائیگی \*
- ۱۴- تیرے تخت دی بیٹھ صداقت تے عدالت ہے - دیا  
تے سچائی تیری پیشی وچ جانیاں ہین \*



۱۵۔ دھن ہن اُہ لوک جھڑے خوشی دے نعرے مٹوں قہقہے  
ہن۔ اُہ تان تیرے چہرے دے نورِ موجِ خداوندِ اُردے ہن۔

۱۶۔ تیرے نام دے سببوں اُہ سارا دن خوشیاں مناوے  
ہن تے تیری صداقت دے سبب اُہ اُچے کیتے جانگے۔

۱۷۔ کیونجہ اُہنا دے زور دی شان توں ٹی ہن تے تیری  
کرپا نال ساڈا رنگ اُچا کیتا جائیگا۔

۱۸۔ کیونجہ ساڈی ڈھال خداوند دی ہے۔ ماں ساڈا بادشاہ  
اسرائیل دے قدّوس دا مال ہے۔

۱۹۔ تہ توں سُفنے موج اپنے سنتاں نوں اہ آکھ کے  
فرمایا پئی میں نے مدد دین دا کم اک زور آور دے سپرد کیتا ہے  
میں اُمت وچوں چُھکے اک برگزیدے نوں اُچا کیتا ہے \*  
۲۰۔ میرا بندہ داؤد بینوں بل پیا ہے میں اپنے مقدّس تل  
نال اُہنوں مسح کیتا ہے۔

۲۱۔ اُہے سر اُتے میرا ہتھ دھریا ہئیگا تے میری بانہ  
اُہنوں چُختائی دیوگی۔

۲۲۔ ناکوئی دشمن اُہنوں تنگ کریگا تے نہ شیطان دا پتر  
اُسنوں اوکھیاں کریگا۔

۲۳۔ نالے میں اُسدے ویریاں نوں اُہے سامنے پہن  
سٹانگا تے اُسدے عداوتیاں نوں مار دیاں گے۔

۲۲- پُر اُہدے ٹی نال میری سچائی تے میری رحمت  
ہو دیگی تے میرے نام دی طفیل نال اُہدا سنگ اُچا کیتا جاوے گا۔

## مزمور (۹۰)

روز ۱۶

۱- اے خداوند پڑھو پڑھو ساڈی پناہ توں ہی رہیاں  
۲- پہاڑاں دے پیدا ہون تھوں پہلاں جدوں زمین تے  
دُنیا اچے نہیں سان بنیاں - زمانوں زمانہ توں ٹی خدا ہیں -  
۳- توں آدمیاں نوں پہچھو عطا ہیں تے فرماؤندا ہیں پئی  
ہے بنی آدم پھرو -

۴- کیونجھ ہزار ورہے تیرے اگے اچھے ہن جہا کل دا دن بھڑا  
ریت گیا - تے جہی اک پہرات -

۵- ہڑدی طح توں اُہناں نوں اگے دھر کے لے جاندا ہیں  
اُہ نیند ورگے ہن - فجر نوں اُہ اُس گھا ورگے ہن بھڑا اُگیا ہويا ہووے  
۶- سویر نوں اُہ لیکہ لیکہ کر داتے ودھدا ہے - شام نوں اُہ  
وڈھیا جاندا تے سک جاندا ہے -

۷- کیونجھ اسپں تیرے غصے نال فنا ہو گئے ہاں - تے  
تیرے تھرنال دُکھ وچ پئے گئے ہاں -

۸- توں نے ساڈیاں بُریاں نوں اپنے اگے تے ساڈے  
لکھے ہوئے گناہاں نوں اپنے چہرے دے چانن وچ رکھیا -



۹- کیونکہ ساڈے سارے دباڑے تیرے قہر مچ گزرے۔

ساڈے ورہے کہانی دانگوں مک گئے ہین -

۱۰- ساڈی زندگی دے دن ستر ورہے ہین تے جے طاقت

ہو دے تاں اسی ورہے - پر اہناں دا مان محنت تے غم ٹی  
ہے کیونکہ اہ چھیتی جانڈے رہندے ہین تے اسیں اڈ جانڈے ہاں۔

۱۱- تیرے قہر دے زور نوں تے تیرے غضب نوں جو تیری

شان دے مطابق ہو کس نوں معلوم ہے ؟  
۱۲- سانوں اپنے وناں دا حساب ایوں کرنا سکھال جو سانوں

عقل والا دل لے -

۱۳- اے خداوند مڑ آ - توں دیر کاہنوں لاؤندا ہین ؟ تے

اپنے بندیاں دے حال اُتے پھیر مہربان ہو۔

۱۴- سویر نوں اپنی دیناں سانوں رجاتاں جو اسیں ساری

عمر ائند ہو کے خوشی منائیے -

۱۵- جنہاں چر توں سانوں دکھی رکھیا ہے تے جتنے درہے

اساں بھیڑا حال ڈٹھا اُناں ہی سانوں خوش کر -

۱۶- تیرا کم تیرے بندیاں نوں تے تیرا جلال اہناں می

الاد نوں معلوم ہو جائے -

۱۷- تے خداوند ساڈے خدا دا جمال ساڈے اُتے ہو کے

تے ساڈے ہنھاں دے کار توں ساڈے اُتے قائم کر + ہاں

ساڈے ہتھاں دے کار توں ساڈے اُتے قائم کر ۛ

## منمور (۹۱) روز - ۱۷

۱۔ جہڑا خدا تعالیٰ دے پردے وچ رہندا ہے اُہ ٹی قادر  
طلق دے سائے ہیٹھاں ٹیکیکا -

۲۔ میں خداوند دی بابت آکھانگا پی اُہ میری پناہ تے میرا  
رُہ ہے - میرا خدا جہدے اُتے میرا آسرا ہے ۛ

۳۔ اُہ تینوں پھاندی دی پھاہی وچوں تے بُری وباتھوں  
چھٹکارا دیگا -

۴۔ اُہ اپنے پنکھاں نال تینوں ڈھک لیگا تے اپنے  
پراں ہیٹھ توں پناہ پائیگا - اُہی سچیاں ڈھال تے پھری ہے -

۵۔ توں رات دے ڈرتھوں خوف نہ کھائیگا تے نہ اُس  
نیرتھوں جہڑا دن نوں چلدا ہے -

۶۔ نہ اُس وباتھوں جہڑی ہنیرے وچ پیندی ہے تے  
نہ اُس مری تھوں جہڑی دوپہر نوں اُجاڑ دی ہے -

۷۔ اک ہزار تیرے کول تے دس ہزار تیرے سچے پاسے  
ڈُگ پیگے پر اُہ تیرے نیڑے نہ آویگی -

۸۔ توں اپنی اکھاں ٹی نال نگاہ کرنیکا تے شریاں نوں  
اپنا کیتا پاوندیاں توں دیکھینگا -



۹۔ کیونکہ خداوند توں میری پناہ ہیں + توں خدا تعالیٰ نوں

اپنا لگانہ بنایا ہے -

۱۰۔ تیرے اُتے کوئی آفت نہیں آوے گی تے نہ کوئی بلا تیرے

ڈیرے دے نیرے اُپر لگی -

۱۱۔ اُہ تیری بابت اپنے فرشتیاں نوں حکم دیگا پئی تیرے

سارے راماں وچ اُہ تیری راکھی کرن -

۱۲۔ اُہ مہتھاں اُتے تینوں چک لینگے پئی کتے پتھر نال

تیرے پیراں نوں سٹ نہ لگے -

۱۳۔ نُون شیر تے سٹ نوں لتاڑینگا - نُون جوان شیر

تے اڑدھا نُون پیراں ہیٹھ پھینوینگا +

۱۴۔ اِس لئی کہ اُسنے میرے نال دل لایا ہے میں اُس

نُون نجات دیاںگا تے اُسنوں اُچیاں کر کے بہا لانگا کیونچو

اُس نے میرا نام جاتا ہے -

۱۵۔ اُہ مینوں پکاریگا تے میں اُہی سنانگا - تے مصیبت

وچ میں اُہے نال ہودانگا - میں اُس نُون چھڑاوانگا تے

اُس نُون عزت دیاںگا -

۱۶۔ عُمر دے وادھے نال میں اُہنوں رجاوانگا تے

اپنی نجات اُہنوں دکھاوانگا +

# فرمور (۹۲)

روز-۱۶

۱- خداوند دی حمد کرنی تے تیرے نام دے زبور گاؤنے  
اے خدا تعالیٰ بھلا ہے \*

۲- سویر نوں تیری مہر داتے روز رات نوں تیری وفاداری  
دا ذکر کرنا چنگا کم ہے -

۳- دساں تاراں والی سارگی تے طاؤس تے ستار و جا کے  
نرم آواز دے نال \*

۴- کیونجوتوں نے خدا وندا اپنے کماں نال مینوں خوش کیتا  
ہے - تیرے ہتھاں دیاں کاریگریاں دے سببوں میں جے  
جے کرانگا -

۵- خدا وندا تیرے کم کیا ہی وڈے ہین تے تیرے خیال  
بہت ہی ڈونگھے ہین \*

۶- پشو آدمی تے نہیں جاندا تے مورکھ اس گل نوں  
سمجھدا نہیں -

۷- جدوں شریہ گھا وانگوں پھٹدے ہین تے جد سارے  
بدکار پھلدے پھلدے ہین اہ اس کر کے ہے پئی اہ ہمیشہ لئی  
فنا ہو جان -

۸- پر خدا وندا توں ہمیشہ اعلیٰ ہیں -

۹- کیونکہ دیکھ ہے خداوند تیرے دشمنوں ہاں تیرے ہی



دشمنان دا ستیاناس ہو دیگا۔ سارے بدکار تے کھلر پلر جانگے۔

۱۰۔ پر توں گینڈے دے سنگ وانگوں میرے سنگہ نوں

اچیاں کیتا ہے۔ میں تانے تیل نال مسح کیتا گیا ہاں۔

۱۱۔ ہاں میری اکھی نے میرے دشمنان دا حال جیہا میں

چاہیا سو ڈوٹھا۔ تے شریراں دا حال جھڑے میرے عداوتی ہین

میرے کناں نے بھی سُنیا۔

۱۲۔ صادق کھجور دے بوٹے وانگوں پھیلریگا۔ تے لبنان دے

دیار ورگا ودھیگا۔

۱۳۔ اُہ جھڑے خداوند دے گھر وچ لائے گئے ہن سو

ساڈے خدا دے درباراں وچ لہلہاؤنگے۔

۱۴۔ اُہناں نوں بڈھے وارے پھل لگیگاتے اُہ ہرے

بھرے ہونگے۔

۱۵۔ پئی اس تھوں پورا پتہ لگے کہ خداوند برحق ہے۔ اُہ

میری چٹان ہے تے اُہدے رُوح ذرہ بھی ناراستی نہیں۔

روز-۱۸

## مزمور (۹۵)

۱۔ آو ایس خدا دے لئی گاویے تے اپنی نجات دی چٹان

لئی خوشی وانگرہ ماریے۔

۲۔ شکرگزاری کردیاں ہو یاں اُس دے حضور وچ آئیے

تے زبور گا گا کے اُس دے اگے خوشی دا لغہ ماریے۔

۳۔ کیونجو خداوند بڑا خدا ہے تے ساریاں دیوتیاں نالوں بڑا

بادشاہ ہے +

۴۔ دھرتی دے ڈونگھے ڈونگھے تھاں اُہدے ہتھ وچ ہن

تے پہاڑاں دیاں چوٹیاں اُس دیاں ہن -

۵۔ سمندر اُسی دا ہے تے اُس نے اُہنوں بنایا۔ تے

اُس دے ہتھوں خشکی بھی بنی -

۶۔ آؤ اسیں سجدہ کریے تے سر جھکا کے اپنے پیدا کرن

والے خداوند دے اگے گوڈے نوائے -

۷۔ کیونجو اُہ ہی ساڈا خدا ہے - تے اسیں اُہدی چرانہ

دے لوک تے اُس دے ہتھ دیاں بھیدیاں ہاں + جے آج

تیں اُہدی آواز سُن دے تاں بھلا ہندا -

۸۔ اپنے دلاں نوں سخت نہ کرو جیہا مریہ دے موقع

اُتے آزمائش دے دن جھگل وچ کیتا سی -

۹۔ جدوں تہاڈے وڈیاں نے مینوں آزمایا - تے

مینوں پرتایا تے میرے کماں نوں دکھیا -

۱۰۔ چالی ورھے اُس پڑھیوں مینوں رنج ملیا - تے میں آکھیا

کہ راہ اک دل دی جھلن والی قوم ہے تے اُہناں میرے راہ

دنوں نہیں جاتا -



۱۱- اس لئی میں تہوان ہو کے راہ قسم کھادی پئی میسری  
آرام گاہ موج اُہناں دا پیر نہ پئے گا۔

## نمبر (۹۶) روز-۱۸

۱- آؤ خداوند دے لئی اک نواں گیت گاؤ خداوند دے  
لئی گاؤ ہے ساری زمین -

۲- خداوند دے لئی گاؤ تے اُہدے نام نوں مُبارک آکھو  
روز روز اُہدی بجات دی خوشخبری سناؤ -

۳- قوماں موج اُہدا جلال تے سارے لوکاں موج اُہدے  
اچرج کماں دا بیان کرو -

۴- کیونکہ خداوند بزرگ ہے تے بہت ہی وڈیائی دے  
لائق ہے - سبحناں دیوتیاں نالوں اُس تھوں ٹوڑنا چاہیدا ہے -  
۵- کیونکہ قوماں دے سارے دیوتے بُت ہی بُت ہین  
پر اسماناں دا بناؤن والا خداوند ہے -

۶- جلال تے دببہ اُسدے حضور ہین - بل تے سہپین  
اُہدے مقدس مکان موج ہین -

۷- ہے لوکاں دے گھرا نیو خداوند نوں ہاں خداوند نوں  
جلالی تے قدرت والا آکھو -

۸- اُہدے نام دی شان موجب خداوند نوں جلالی آکھو

نذرانہ لے کے اُہدے درباراں مِیج آؤ۔

۹۔ خُداوند نون پاکیزگی دی خُوبی نال سجدہ کرو۔ اُہدے  
اگے کنب اے ساری زمین۔

۱۰۔ قوماں مِیج خبر دیو پئی خداوند بادشاہ ہے۔ زمین بھی قائم  
ہے تے ہل نہیں سکدی۔ اُہ سچائی نال قوماں دا نیاں کریگا۔  
۱۱۔ اسمان خوش ہون تے زمین خوشی مناوے۔ سمندر اپنی  
بھر پوری سنے شور مچاوے۔

۱۲۔ میدان تے سب کچھ جو اُہدے مِیج ہے موج کرن  
تاں پھیر جھگل دے سارے بوٹے خوشی دے ماریاں خداوند  
دے اگے گاؤنگے۔

۱۳۔ کیونجواہ آؤندا ہے۔ ہاں اُہ زمین دا نیاں کرن نوا  
آؤندا ہے۔ اُہ انصاف نال مونیوا تے اپنی سچائی نال قوماں  
دا نیاں کریگا +

## مزمور (۹۷)

روز - ۱۸

۱۔ خداوند بادشاہی کروا ہے زمین خوشی کرے۔ جزیرے  
جھڑے بہت سدے ہین خوش ہون۔

۲۔ بدل تے اندھیرا اُسدے چوپھیرے ہین۔ صدق تے  
انصاف اُہدے تخت دربی پنٹھ ہین۔



۳۔ اگ اُہدے اگے اگے جاندی ہے تے اُہدے دشمنان

نوں چوپھیرنوں ساڑی ہے -

۴۔ اُہدی بجلی دیاں لٹکاں نے دُنیا نوں روشن کیتا -

زمین دیکھ کے کنب اُٹھی -

۵۔ خداوند دی حضوری نال پہاڑ موم وانگوں پگھر گئے -

ہاں ساری زمین دے مالک دی حضوری نال -

۶۔ اسمان اُہدی صداقت دا بیان کردا ہے تے ساریاں

قواں نے اُہدا جلال دیکھیا ہے -

۷۔ گھڑی ہوئی موتاں دے سارے پوجوالے بھڑے

بٹیاں دی شیخی کر دے ہین شرمندہ ہون - اے سارے دیوتو

اُسے دی بندگی کرو -

۸۔ تیریاں عدالتاں دے سبب اے خداوند صیّون سُنکے

راضی ہوئے تے یہودہ دیاں دھیاں نے خوشی کیتی -

۹۔ کیونجو توں اے خداوند ساری زمین دے اُتے اُچا

ہیں - توں سب دیوتیاں نالوں بہت اعلیٰ ہیں -

۱۰۔ ہے خداوند دے پریمیو بدی تھوں تیں کرامت کردے

اُہ اپنے پاک لوکاں دیاں جاناں نوں سمجھالی رکھدا ہے - اُہ

اُنہاں نوں جُڑیاں دے ہتھوں چھڑاؤندا ہے -

۱۱۔ صداقتاں واسطے چانن بیجیا گیا ہے - تے خوشی سدھے

دل دایاں دے واسطے -

۱۲۔ ہے صادق خداوند دلوں خوش ہوتے اُہدی پاک ذات  
نوں یاد کر کے شکر کرو +

روز ۱۹-۱۸ مزمور (۱۰۰) اسب زبیدی

۱۔ ہے ساری زمین خداوند دے لئی خوشی نال  
۲۔ خوشی نال خداوند دی بندگی کرتے گاوندے ہوئے  
اُہدے حضور وِج آؤ۔

۳۔ تئیں جانو پئی خداوند ٹی خدا ہے اُسے نے سانوں  
بنایا تے ائیں اُسے دے ہاں۔ ائیں اُسدی اُمت تے اُس  
دی چھل دیاں بھٹیاں ہاں -

۴۔ شکر گزاری نال اُہدیاں پھاںکاں اندرتے حمد کردیاں  
اُہدے درتلی وِج داخل ہو۔ اُہدا شکر کرتے اُہدا نام مبارک آکھو

۵۔ کیونجو خداوند بھلا ہے اُہدی رحمت ابدی ہے تے اُہدی  
وفاداری پیر پھیوں پیر پھی رہندی ہے +

روز ۱۹-۱۸ مزمور (۱۰۳) اسب زبیدی

۱۔ ہے میری جان خداوند نوں مبارک آکھ تے سب کچھ  
جو میرے وِج ہے اُسدے پاک نام نوں -



۲۔ ہے میری جان خداوند نوں مُبارک اکھ تے اُہدی کے  
نعت نوں نا بھلا -

۳۔ اُہ تے تیریاں ساریاں بدکاریاں نوں بخش دیندا ہے -  
اُہ سارے روگاں تھوں تینوں نرویاں کردا ہے -

۴۔ اُہ تے تیری زندگی نوں فنا ہون تھوں بچاؤندا ہے -  
اُہ مہرتے رحمتاں داتاج تیرے سر اُتے رکھدا ہے -

۵۔ اُہ تے چنگیاں چنگیاں نعمتاں تیرے مُنہ بچ پاپا کے  
تیری جوانی نوں عقاب وانگوں نویں کر دیندا ہے \*  
۶۔ خداوند راستی دے کم کردا ہے تے سارے مظلوماں

دائیاں -

۷۔ اُس نے موسیٰ نوں اپنے رستے تے بنی اسرائیل نوں  
اپنے کم دکھالے \*  
۸۔ خداوند رحم تے کرم نال بھر پور ہے - اُہ غصّہ کرن بچ

دھیما تے بڑا دیاوان ہے -

۹۔ اُہ ہمیشہ جھڑکنا نہیں رہندا تے نائی سدا تیک  
غصّے رہیگا -

۱۰۔ اُس نے ساڈے گناہاں دے موافق ساڈے نال  
سلوک نہیں کیتا تے نہ ساڈیاں بدکاریاں دے مطابق ساڈوں  
بلہ دتا ہے -

۱۱۔ کیونچو جتاں آسمان زمین تھوں اچّا ہے اتنا ئی اُہدا رحم  
اُہناں اُتے ہے جہڑے اُس تھوں وُردے ہین۔

۱۲۔ جتاں چڑھا لہندیوں وُور ہے اتنی ئی دُور اُس نے  
ساڈیاں تقصیراں نوں سا تھوں لائے کر دتا۔

۱۳۔ جس طرح باپ اپنے بچیاں اُتے ترس کھاندا ہے اُسے  
طرح خداوند اُہناں اُتے ترس کھاندا ہے جہڑے اُس تھوں وُردے ہین۔

۱۴۔ کیونچو اُہ ساڈی حقیقت نوں جاندا ہے اُہنوں یاد ہے  
جو اسیں خاک ہاں ۔

۱۵۔ آدمی جو ہے اُہدے دن گھا دی نیامیں ہین اُہ میدان  
دے پچل وانگوں لہلہاؤندا ہے۔

۱۶۔ پی و اُہدے اُتوں دی گزروی تے اُہ ہے ئی  
نہیں تے اُسدا مکان اُسنوں پھیر نہیں سیانیکا۔

۱۷۔ پر خداوند وارحم اُہدے وُرن والیاں اُتے سدا تیکر  
ہے۔ تے اُہدا صدق پتراں دے پتراں اُتے۔

۱۸۔ اُہناں اُتے جہڑے اُہدے عہد مچ قائم رہندے ہین۔  
تے اُہناں اُتے جہڑے اُہدے حکماں نوں مسن لئی حفظ کردے ہین۔

۱۹۔ خداوند نے اسماناں اُتے اپنا تخت قائم کیتا تے اُہدی  
بادشاہی کُل عالم اُتے ہے۔

۲۰۔ خداوند نوں مبارک آکھو ہے اُہدے فرشتے۔ تیں جہڑے



زور تے طاقت والے ہو۔ تیں جہڑے اُہدی کلام دی آواز نکے  
اُہدے حکماں نوں پورا کر دے ہو۔

۲۱۔ خداوند نوں مبارک آکھو ہے اُہدے لشکر۔ تیں پہر  
اُہدی خدمت کر دے تے اُہدی مرضی نوں بجا لیاؤندے ہو۔

۲۲۔ ہے اُہدے سارے کار جو۔ اُہدی بادشاہی دے ہر تھاں  
سچ خداوند نوں مبارک آکھو۔ ہے میری جان خداوند نوں مبارک آکھو۔

روز-۲۰

## مزمور (۱۰۴)

۱۔ اے میری جان خداوند نوں مبارک آکھو۔ اے خداوند  
میرے خدا توں بہت ہی بزرگ ہیں۔ جلال تے پر تاپ تیری  
پوشاک ہیں +

۲۔ اُہ نور نوں کپڑیاں وانگوں پاؤندا ہے تے اسماناں  
نوں چاننی دی طرح تاندا ہے۔

۳۔ اُہ اپنے چوہا ریاں دیاں شہتیراں نوں پانیاں اُتے  
دھردا ہے۔ تے بدلاں نوں اپنی رکھ بناؤندا ہے تے وادے  
پنچھاں اُتے سیل کردا ہے۔

۴۔ اُہ ہواواں نوں اپنا قاصد بناؤندا ہے تے آگ دیاں  
لاٹاں نوں اپنے ٹھیلے +

۵۔ اُس نے زمین دیاں نیہاں نوں اس طرح دھریا پئی

اُہ کدے نہ ڈولے -

۶۔ توں اُسوں ڈونگھے پائیاں نال ایوں ڈھکیا جویں  
کپڑے نال - پانی پہاڑاں دے اُتاں کھلو گئے -  
۷۔ تیرے دابے نال اُہ نٹھے تیرے کڑک دی آواز  
نال اُہ بھج اُٹھے -

۸۔ پہاڑاں وی راہیں اُہ اُتاں چڑھے - تے کھڈاں دے  
رستہ اُہ ہٹھاں وگ گئے - اُس تھاں نوں جو توں اُہناں لئی مقرر کیتا  
۹۔ توں اُہناں لئی اک حد مقرر کیتی ہے پئی اُہ اُس تھو  
اگے نہ لنگھ جان تے نہ مڑکے زمین نوں ڈھکن +

۱۰۔ اُہ چشمیاں دے پائیاں نوں کھڈاں وچ وگاؤندا ہے  
پہاڑاں دے وچوں دی ہوکے اُہ لنگھ جان دے ہین -  
۱۱۔ جنگل دے سارے جانور اُہناں تھوں پیندے ہین -  
گورخر بھی اپنی تریہہ بچھاؤندا ہے -

۱۲۔ اُہناں دے کندھیاں اُتے ہوا دے پکھیر رہندے  
ہین اُہ ٹہنیاں وچ اپنی بولیاں بولدے ہین +  
۱۳۔ اُہ اپنے چوہاریوں پہاڑاں نوں سجدہ ہے - تیرے  
کناں دے محل نال زمین رجدی ہے -

۱۴۔ ڈونگراں دے لئی گھاتے انسان دے لئی سبزی  
اُہوئی اس کرکے اُگاؤندا ہے پئی زمین وچوں خوراک پیدا کرے -



۱۵- تے دین بھی جھڑی سنگھ دے دل نوں خوش کردی  
ہے۔ تے تیل جستھوں اُہدا چہرہ چمکدا ہے۔ تے روٹی جو اُہدا  
دل نوں تگڑیاں کردی ہے +

۱۶- خداوند دے درخت رس بھرے ہین۔ ماں بہنان  
دے دیار جو اُہن لائے ہوئے ہین۔

۱۷- اُہناں اُتے پرندے اپنے اپنے آہنے بناؤندے  
ہین۔ تے لڈھینگ جو ہے اُس دا گھر چیل دے درختاں اُتے ہے۔  
۱۸- اُچھے اُچھے پہاڑ بن بکریاں لئی تے سہیٹاں دے  
لئی چٹاناں پناہ ہین +

۱۹- اُس نے چند نوں موسماں واسطے مقرر کیتا۔ تے سوج  
نوں اپنا ڈوبنا معلوم ہے۔

۲۰- توں اکھیرا کردا ہین تے رات ہو جاندی ہے تہ جنگل  
دے سارے جانور نکل پیندے ہین۔

۲۱- جوان شیر اپنے شکار لئی گجدے ہین تے خدا وٹوں  
اپنی خوراک لبھدے ہین۔

۲۲- سوج چڑھدے ہی اُہ پچھاں ہٹ جائدے ہین تے  
اپنے گھورنیاں وچ جا لیٹدے ہین۔

۲۳- انسان اپنے کم دھندے نوں تے اپنی محنت نوں  
ترکالاں توڑی باہر نکل جاندا ہے +

۲۴۔ خداوند تیراں کاریگیاں کیڈیاں بھونگیاں ہین توں  
اُہناں سبھناں توں دانائی نال بنایا ہے۔ زمین تیری خلقت نال  
بھری ہوئی ہے۔

۲۵۔ دیکھو سمندر نوں جو وڈا تے چڑا ہے۔ اُہے رُج اُگھت  
رُن والے جی ہین۔ ہاں نتجے تے وڈے جی \*۔

۲۶۔ اُسدے رُج جہاز چلدے ہین۔ تے مہاں مچھ جہنوں  
اُہے رُج کھیڈن پھرن لئی توں نے بنایا۔

۲۷۔ راہ سبھھے تیرے ہتھیاں ول تھکے ہین پئی ویلے  
سرتوں اُہناں نوں خوراک دیویں۔

۲۸۔ جو کچھ توں دیندا ہین سو اُہ لیندے ہین۔ توں اپنی  
مٹھ کھولدا ہین تے اُہ نعمتاں نال رُج جانڈے ہین۔

۲۹۔ جدوں توں اپنا مُنہہ لکاؤندا ہین اُہ گھاہر جانڈے  
ہین۔ توں اُہناں دی جان کڈھ لیندا ہین تاں اُہ پران  
چھڈ کے مڑ مٹی رُج رل جانڈے ہین۔

۳۰۔ تیرے رُج دے گھلن نال اُہ پیدا ہو جانڈے ہین  
تے زمین دے رُپ نوں رنگ چڑھ جاندا ہے \*۔

۳۱۔ خداوند دی وڈیائی سدا تیکر قائم رہے۔ خداوند اپنے  
کماں تھوں خوش ہووے۔

۳۲۔ اُہ زمین ول نظر کردا ہے تے اُہ کنب جانڈی ہے۔



اُہ پہاڑاں نوں چھوندا ہے تے اُہناں وچوں دھواں نکل پیندا ہے۔  
 ۳۳۔ میں جہاں چر جیوندا رہاں خداوند لئی گاوانگا۔ جہاں  
 چر میں بنیا رہاں میں اپنے خدا دیاں صفتاں گاوانگا۔  
 ۳۴۔ میرا خیال دھیان اُہنوں مٹھا لگے۔ میں خداوند مچ  
 مگن رہانگا۔

۳۵۔ گناہی زین اُتوں فنا ہون تے شریہ باقی نہ رہن۔  
 اے میری جان خداوند نوں مبارک آکھ۔ ہیلویاہ۔

## مزمور (۱۰۵) روز ۲۱

۱۔ خداوند دا شکر کرو اُہدا نام دھیاؤ توماں مچ اُہیاں کماں  
 دی خبر سناؤ۔

۲۔ اُس ہی دے لئی گاؤ۔ ہاں اُس ہی دے لئی صفتاں  
 گاؤ۔ اُہدے سارے اچر ج کماں اُتے گل بات کرو۔

۳۔ اُہدے پاک نام دا فخر کرو۔ خداوند دے طالبان دے  
 دل خوش ہون۔

۴۔ خداوند تے اُہدی قدرت نوں ڈھونڈو ہمیشہ اُہدے  
 دیدار دے طالب ہو۔

۵۔ ہے اُہدے بندے ابراہام دی اولاد۔ ہے یعقوب  
 دی نسل اُہدے چُنے ہوئے بندیو۔

۵۔ اُہدے اچھ کماں نوں جھڑے اُہن دکھائے یاد کرو۔  
 اُہدیاں اچھیاں نوں تے اُہدے سُنہہ دیاں عدالتاں نوں بھی\*  
 ۷۔ اُہوئی خُداوند ساڈا خُدا ہے ساری دُنیا اُتے اُہدی  
 عدالت سنی جاندی ہے۔

۸۔ اُس نے سدا تیکر اپنے نیم نوں یاد رکھیا ہے۔ ہاں  
 اُس ئی کلام نوں جھڑی اُہن ہزار پڑھیاں لئی فرمائی۔  
 ۹۔ جھڑا اُس نے ابراہام نال کیتا تے جھدی اُہن صُحاف  
 نال سونہہ کھادی۔

۱۰۔ تے اُس نے یعقوب لئی اک شرع تے اسرائیل لئی  
 اک سدا دا نیم راہ اکھ کے کھڑایا  
 ۱۱۔ پئی میں کمنان دا دیس تینوں دیوانگا راہ تہاڈا مووٹی  
 حصہ ہے \*

۱۲۔ جدوں اُہ اچے گنتی رُج بہت تھوڑے سان-ہاں  
 بہت ہی تھوڑے تے اُس دیس رُج پرہیسی سن \*  
 ۱۳۔ تے اُہ اک قوم وچوں دُجی قوم رُج تے اک راج  
 وچوں دُجے لوکاں رُج پھردے رہے۔

۱۴۔ اُہن اُہناں اُتے کسے آدمی نوں زیادتی کرن نہ دتی۔  
 اُہناں وی خاطر اُس نے سگوں بادشاہاں نوں راہ اکھ کے جھڑکيا  
 ۱۵۔ اپنی میرے مسح کیتے ہونیاں نوں ہتھ نہ لاؤ۔ تے میرے بنیاں



نوں کوکھ نہ دیو +

۱۶۔ نالے اُس نے اُس دیس اُتے کال نوں بلایا تے اُہنا  
دی خوراک دے ذخیرے نوں اُجھاڑ دتا۔

۱۷۔ اُس نے اُہناں دے اگے اک بندہ گھلایا۔ یوسف  
غلام ہون لئی وِچپیا گیا۔

۱۸۔ اُہناں اُسدیاں پیراں نوں بٹیریاں نال دکھایا۔ اُہ  
دی جان لوہے روج پئے گئی۔

۱۹۔ اُس ویلے تیکر جد اُہدا سخن پورا ہويا خداوند دی کلام نے  
اُہنوں پرکھیا +

۲۰۔ بادشاہ نے بھیج کے اُہنوں قیدوں چھڈوایا۔ لوکاں  
دے حاکم نے اُہنوں رہا کیتا۔

۲۱۔ اُس نے اُہنوں اپنے گھردا مالک تے اپنی ساری جائیداد  
وا مختار بنایا۔

۲۲۔ پئی جے چاہے تے اُہدے شاہزادیاں نوں بٹھ لے۔  
تے اُہدے بزرگاں نوں بُدھ سکھاوے +

۲۳۔ اسرائیل بھی مصر روج آیا تے یعقوب حام دی زمین  
رُوج پر دیسی رہیا +

۲۴۔ تے اُس نے اپنے لوکاں نوں بہت ہی ودھایا تے  
اُہناں نوں اُہناں دیاں ویریاں نالوں تگڑیاں کیتا۔

۲۵۔ اُس نے اُہناں دے دِلاں نوں بدل دتا پئی اُو  
اُہدے لوکاں کوں گھن کرن تے اُہدے بندیاں نال فریب کھیڈن\*  
۲۶۔ اُس نے اپنے بندے موسیٰ نوں گھلیا تے بارون نوں  
بھی جنہوں اُس نے پسند کیتا سی -

۲۷۔ اُہناں نے اُسدیاں نشانیاں دیاں باتاں اُہناں مِچ  
کیتیاں تے حام دے ملک مِچ عجیب کم -  
۲۸۔ اُس نے اخیرا گھلیا تے گھب گھیر ہو گیا تے اُہناں  
نے اُسدیاں آکھیاں نہیں موڑیاں -

۲۹۔ اُس نے اُہناں دے پانیاں نوں لہو کر دتا تے اُہناں  
دیاں مچھلیاں مار دتیاں -

۳۰۔ اُہناں دی زمین وچوں ہیڑیاں دے ہیڑہ ڈڈو نکل  
پے اُہناں دی بادشاہی کوٹھڑیاں مِچ بھی -

۳۱۔ اُہن آکھیا تے مکھیاں تے چھڑ اُہناں دی چوں کوٹیاں  
مِچ آئے \*

۳۲۔ اُس نے مینہ دے تھاں گڑھے پائے تے اُہناں  
دی زمین اُتے بلدی آگ -

۳۳۔ اُس نے اُہناں دیاں داکھاں تے اُہناں دیاں  
انجیراں نوں ماریا تے اُہناں دیاں حداں دے بوٹے بھن سٹے

۳۴۔ اُہن آکھیا تے ایرن تے اُہدا انجنت بیچ آیا -



۳۵۔ تے اُہناں دے دیں دی ساری ہر یوں کھا

گیا تے اُہناں دی زمین دی پیداوار نکل گیا \*

۳۶۔ اُس نے اُہناں دے دیں دے سارے پلٹھیں دے

بھی مارے ہاں اُہناں دی ساری طاقت دے پہلے پھل۔

۳۷۔ پر اُہناں نوں اُس نے سگوں چاندی تے سونے

نال لڈکے کڈھیا تے اُہدے فرقاں وچ اک بھی ماڑا ہے نہ سی \*

۳۸۔ اُہناں دے نکل جان دے کر کے مہر خوش ہو یا کیونجی

اُہناں دا بھو اُہناں اُتے پئے گیا سی \*

۳۹۔ اُس نے بدلی نوں اُہناں اُتے چھاں لئی تانیا تے

اگ نوں جورات نوں چائن کرے۔

۴۰۔ اُہناں نے منگیا تے اُسے بیڑے پہنچائے تے اُہناں

نوں اسمانی روٹی نال رجایا۔

۴۱۔ اُس نے چٹان نوں پاڑیا تے پانی اُچھل نکلے تے

نہراں وانگوں اُسکے تھاں وگ ترے۔

۴۲۔ کیونجی اُس نے اپنے پاک سخن نوں تے اپنے بندے

ابراہام نوں یاد کیتا۔

۴۳۔ تے اُہ تے اپنے لوکاں نوں خوشی وچ تے اپنے چُنے

ہویاں نوں گاؤندیاں گاؤندیاں کڈھ لیاا۔

۴۴۔ تے اُہناں نوں قوماں دے مُلک دتے۔ تے

اُہناں نے لوکاں دی کمائی نوں سنبھالیا۔

۴۵۔ تاں جو اُہ اُہرے حکماں نوں منن تے اُہی شرع

نوں یاد رکھن + ہیلویاہ +

روز-۲۲

## مزمور (۱۰۷)

۱۔ خداوند اشکر کو کیونکہ اُہ بھلا ہے پئی اُہی رحمت ابدی ہے

۲۔ خداوند دے چھڑائے ہوئے لوک ایوں آکھن جہناں نوں

اُس نے ویری دے ہتھوں چھڑایا ہے۔

۳۔ تے اُہناں نوں ملکاں وچوں اکٹھیاں کیتا۔ چڑھدیوں

تے لہندیوں۔ پہاڑوں تے دکنوں +

۴۔ اُہ تے اجاڑ دے راہ جنگل بیچ بھلے پھرے تے اُہناں

نوں دتن لئی کوئی نگر نہ ملیا۔

۵۔ اُہناں دی جان مچکھ تے تریہہ نال غش کھا گئی۔

۶۔ تدوں اُہناں اپنی تنگی دے ویلے خداوند دی دُہائی

دتی تے اُس نے اُہناں نوں اُہناں دی مُصیبتاں تھوں

خلاصی دتی۔

۷۔ اُس نے اُہناں نوں سدھے راہ پایا تاہو اُہ وسدے

نگر نوں چلے جان۔



۸۔ اُہ خداوند دا شکر کرن اُہی بھلیائی دے واسطے تے  
 اُس دے عجائب کماں واسطے جہڑے اُس نے بنی آدم نال کیتے۔  
 ۹۔ کیونجوں اُہ ترس دی جان نوں تازہ کروا ہے تے جھکسی  
 جان نوں نعمتاں نال رجاؤندا ہے۔

۱۰۔ اُہ لوک جو ہنیرے تے موت دے سائے ہیٹھ بیٹھ  
 ہوئے سن تے دُکھ تے زنجیراں نال جکڑ بند۔  
 ۱۱۔ اِس لئی پی اُہ خدا دیاں بچناں تھوں آکے ہوئے  
 تے خدا تعالیٰ دی صلح نوں ماڑا جاتا۔  
 ۱۲۔ اُس نے اُہناں دے دلاں نوں مشقت دے بھار  
 نال جھکایا اُہ ڈگ پئے تے کوئی اُہناں دا واس بلی نہ ہویا۔  
 ۱۳۔ تہوں اُہناں اپنی تنگی دے ویلے خداوند دی دُہائی  
 دتی تے اُس نے اُہناں نوں اُہناں دی مصیبتاں تھوں بچایا۔  
 ۱۴۔ اُس نے اُہناں نوں ہنیرے تے موت دے سائے  
 ہیٹھوں کدھ لیا تے اُہناں دیاں بیڑیاں توڑ سٹیاں۔  
 ۱۵۔ اُہ خداوند دا شکر کرن اُہی بھلیائی دے واسطے تے  
 اُس دے عجائب کماں واسطے جہڑے اُس نے بنی آدم نال کیتے۔  
 ۱۶۔ کیونجوں اُس نے پتل دے پھاٹکاں نوں توڑ تار دتاے  
 لوہے دے ارلاں دے ٹکڑے ٹکڑے کیتے۔